


REBOUND
ug
Padayon
sa Pag-abante!

(Visayan Version)

R.B. THIEME, JR.



Kon isugid ta ang atong mga sala [rebound], Siya matinumanon ug matarong sa pagpasaylo kanato sa atong mga sala, ug sa paghinlo kanato gikan sa tanang dili-pagkamatarong. (1 Juan 1:9)

Ang pagbalik niini nga bersikulo dinhi sa hapin naghulagway sa makanunayong paghingalan sa atong mga sala sa pribadong pamaagi ngadto sa Dios. Isip mga magtotoo kita sa kanunay makasala ug mapakyas. Ang Dios mihatag sa usa ka paagi aron mahibalik sa fellowship uban Kaniya ug mahibalik ang pagpuno sa Balaang Espiritu. Aron maaplikar ang tataw nga mando sa pagrebound ug padayon sa pag-abante gikinahanglan natong hikalimtan ang atong nangagi na nga mga sala ug mga kapakyasan aron sa pagpadayon sa atong espirituhanong pagtubo. Ang grasya sa Dios pinaagi sa rebound dili gayud mapakyas.

REBOUND
UG
PADAYON SA PAG-ABANTE!

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Wala gayuy bayad para sa bisan unsang materyales nga gikan sa R. B. Thieme, Jr., Bible Ministries. Si kinsa kadtong mahiligon sa pagkat-on sa Bibliya makaangkon sa among DVDs, MP3 CDs, ug mga mantalaan nga walay bayad. Ang Dios mao ang naghatag sa doktrina sa Bibliya. Tinguha namo nga mapakita ang lyang grasya.

R.B. Thieme, Jr., Bible Ministries maoy usa ka ministeryo sa grasya ug kinatibuk-ang gipadagan sa boluntaryong mga kontribusyon. Walay listahan sa presyo sa bisan unsa namong mga materyales. Walay salapi nga gipangayo. Kon ang pagkamapasalamaton sa Pulong sa Dios maoy naghatag og kagana sa usa ka magtotoo nga mohatag, aduna siyay katungud sa paghatag og kontribusyon para sa pagpakaylap sa doktrina sa Bibliya.

Orihinal nga naimprinta isip *Rebound and Keep Moving!*
niadtong tuig 1972 ug 1993 ni R.B. Thieme, Jr.
Unang edisyon napatik niadtong 1972.
Ikaduhang edisyon napatik niadtong 1993.
Ikatulong edisyon niadtong 2010.

Kini nga basahon napatik gikan sa mga pagtulon-an ug
mga wala maimprinta nga mga sinulat ni R.B. Thieme, Jr.

Sa pag-order niini nga libro sa English, kontaka:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay kabahin niining publikasyon nga ipasanay o
ipadala sa bisan unsang porma o sa bisan unsang pamaagi,
elektroniko o mekanikal, lakip na ang seroks, rekord, o
sa bisan unsang pagtago sa impormasyon ug sistema sa
pagbawi, nga walay nakasulat nga pagtugot gikan sa
tigmantala.

Ang Kasulatan gikuha gikan sa *Rebound and Keep Moving!*
nga libro mismo ug gihubad sa Binisaya.

Napatik sa Tagbilaran City, Bohol, Philippines.

Hinubad ngadto sa Binisaya nga pinulongan ni Jerome L. Salutan.
Gireview nila ni Elina C. Vicoy, Amado D. Carejo ug Rafflyn H. Salutan.
Pinatik nga may pagtugot sa R.B. Thieme, Jr., Bible Ministries.

Mga Sulud

Pasiuna.	v
Unsa kaha ang Sala?	2
Unsa kaha ang Grasya?	3
Grasya para sa Magtotoo ug Dili-magtotoo	3
Nganong Rebound man?	5
Ang Rebelde sa Sulud	6
Pagsabut sa Kinaiyang Makasasala	9
Ang Lugar sa Kahuyang	10
Ang Lugar sa Kalig-on	11
Ang Kinaiyang Makasasala Adunay	
Duha ka mga Hilig	13
Ang Sundanan sa Kaibog	14
Ang Sukdanan sa Dios Maoy Absoluto	15
Walay-Katapusang Relasyon—ang	
Ibabaw nga Lingin	15
Temporaryong Fellowship—ang Ubus nga Lingin	17
Ang Karnalidad ba Nakapakugang Kanimong?	19
Ang Imong Listahan ba Kompleto?	22
Ang Listahan sa Dios sa mga Sala	23
Duha ka Managlahi nga mga	
Ministeryo sa Balaang Espiritu	26
Rebound!	28
Isugid ngadto sa Dios Lamang	30
Ang Kapasayloan pinaagi sa Grasya Lamang	31
Ang Mawaldason nga Anak	32

Pagkahuman sa Pagsugid, Unsa man?	35
Hinginli ang Imong mga Sala	35
Hikalimti ang Imong mga Sala ug Padayon sa Pag-abante	36
Kaugalingong-Paghukum o Disiplina sa Dios	37
Rebound para sa Espirituhanong Pag-abante	40
David: Kapakyasan ug Pagbakwi	41
David, ang Espirituhanong Higanti	41
David, ang Karnal nga Higanti	42
Ang mga Laraw ni David	45
Angay ba Kini?	52
Ang Rebound ni David.	56
Unsa ang Presyo nga Pagabayaran!.	57
Ang Pagbansaybansay nga Programa sa Dios	64
Ayaw Pakyasa ang Grasya sa Dios	65
 Kalugpungan	 69
 Timan-anan sa Balaang Kasulatan	 73

Pasiuna

Sa dili pa ikaw magsugod sa pagtoon sa Bibliya, kon ikaw usa ka magtotoo diha kang Ginoong Jesu-Kristo, siguroha nga imo nang gihinganlan ang imong mga sala sa pribadong pamaagi ngadto sa Dios nga Amahan.

Kon isugid ta ang atong [nahibaloan] mga sala, Siya matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang [wala-mahibalo-i, o nahikalimtan na nga mga sala] dili-pagkamatarong. (1 Juan 1:9)

Ikaw anaa na dayon sulud sa fellowship uban sa Dios, napuno diha sa Balaang Espiritu, ug andam na sa pagkat-on sa doktrina sa Bibliya nga gikan sa Pulong sa Dios.

“Ang Dios espiritu, ug kinsa kadtong nagasimba Kaniya kinahanglan magasimba diha sa [ang pagpuno sa] espiritu ug [biblikal] kamatuuran.” (Juan 4:24)

Kon ikaw wala pa sa kinaugalingon nga mitoo diha ni Ginoong Jesu-Kristo isip imong Manluluwas, ang isyu dili ang pagsugid sa imong mga sala. Ang isyu mao ang pagtoo lamang diha ni Kristo lamang.

“Siya nga nagtoo sa Anak may kinabuhi nga walay katapusan; apan siya nga wala magsunud [ang sugo sa pagtoo] sa Anak dili makakita sa kinabuhi, hinoon magapabilin ang kaligutgut sa Dios diha kaniya.” (Juan 3:36)

ANG PULONG SA DIOS buhi ug labing gamhanan, mas hait pa kay sa bisan unsang duhay-sulab nga espada, nagtusuk bisan pa ngadto sa nagpahimulag sa kalag ug sa espiritu, ug sa mga lutahan ug sa kauyokan, ug maoy usa ka kritiko sa mga panghunahuna ug mga pagtinguha sa kasingkasing. (Mga Hebreohanon 4:12)

Ang tibuuk nga Kasulatan sa Dios-gipaginhawa, ug maginansyahon alang sa doktrina, alang sa pagbadlong, alang sa koreksiyon, alang sa pagpanudlo ngadto sa pagkamatarong; aron ang tawo sa Dios basin ra mahimong hamtong, sa hingpit gisangkapan ngadto sa tanang maayong mga buhat. (2 Timoteo 3:16-17)

Pagtoon aron pagpakita sa imong kaugalingon nga aprobado ngadto sa Dios, usa ka magbubuhat nga dili kinahanglan nga maulaw, sa insakto nga nagbahinbahin sa pulong sa kamatuuran. (2 Timoteo 2:15)

Rebound ug Padayon sa Pag-Abante!

ANG PAGDAOG SA DULANG BASKETBOL nagkinahanglan sa mga magdudula sa pagsiyot ug sa pagrebound sa bola. Sa dihang wala na ang bola sa kamut sa nag-itsa, maanindot nga mibawog paingon sa basket, nahagbong sulud sa lingin sa aro, ug miyasyas diha sa net, siya nakapuntos. Apan sa dihang nasipyat ang iyang tira, ang bola gikinahanglang pagaluksohan. Ang pagrebound nagkuha pagbalik sa nakabuhi nga bola sa iyang pagkarambola pagawas sa lingin o sa backboard. Ang pagrebound nagpahibalik sa oportunidad sa pagsiyot, sa pagpuntos, ug pinakamahinungdanon, sa pagdaog.

Diha sa espirituhanong kinabuhi ang matag Kristohanon mosipyat sa pagsiyot o makasala. Apan sama sa basketbol, ang sangka sa Kristohanong kinabuhi dili matapos sa dihang makasala ang usa ka magtotoo. Ang Dios maloloy-ong naghatag sa paagi sa *pagrebound* gikan sa sala, sa *pagbalik* sa pagpuno sa Balaang Espiritu, sa *pagbawi* sa fellowship uban sa Dios, ug sa *pagpadayon sa pag-abante* diha sa espirituhanong kinabuhi. Ang rebound nagtanyag sa magtotoo sa walay katapusang kahigayonan aron mahimong mananaog diha sa Kristohanong kinabuhi.

UNSA KAHA ANG SALA?

Kon kada siyot sa basketbol mosulud sa lingin ug mopuntos, ang pagrebound dili na kinahanglan pa. Apan walay magdudula nga perpekto. Kon ang mga Kristohanon dili makasala ang rebound nga pamaagi dili na kinahanglan pa. Apan walay Kristohanon nga perpekto. Kitang tanan makasala.

Kon kita [mga magtotoo] nag-ingon nga kita walay sala, kita nag-ilad sa atong mga kaugalingon, ug ang kamatuuran wala kanato. (1 Juan 1:8)¹

Kon kita nag-ingon nga kita wala nakasala, kita naghimo Kaniya nga bakakon, ug ang Iyang pulong wala kanato. (1 Juan 1:10)

Ang sala mao ang dili pagsunud sa kabubut-on sa Dios—bisan unsang panghunahuna, pamulong, o makitang kalihukan nga sukwahi sa hingpit nga karakter ug mga sukdanan sa Dios. Apan ngano man nga ang mga magtotoo nagpadayon sa pagpakasala human sa kaluwasan?

Ang kabubut-on ni Adan mao ang tagsala. Ang Dios mibuhat sa unang tawo nga hingpit, walay sala. Apan ang desisyon ni Adan didto sa Hardin sa pagsupak sa Dios pinaagi sa pagkaon sa ginadiling prutas (Genesis 3:6-8) ang nakapabulag sa tibuuk tawhanong kaliwatan gikan sa Dios (Genesis 3:2-3; cf. Mga Taga-Roma 5:12; 1 Mga Taga-Corinto 15:22). Ang nagresulta nga espirituhanong kamatayon ni Adan gipasa sa tanang mga katawhan. Ang makasasala, dili-hingpit nga katawhan dili gayud

¹ Gawas kon sa laing pamaagi nga pagpadayag, ang tanang mga Kasulatan niini nga libro mao ang hubad sa mga tudling sa mga pulong kinutlo gikan sa New American Standard Bible (NASB). Kadtong minarkahan og “KJV” mao ang hubad sa mga tudling sa mga pulong kinutlo gikan sa King James Version. Ang gidugtong nga komentaryo nagpahayag sa buhat pagpadako sa NASB nga hubad og gitudlo sa Bibliyanhong tunghaan.

makabaton og relasyon uban sa perpekto nga Dios.

Ang omniscience sa Dios nakahibalo nga ang gawasnong kabubut-on ni Adan mopili sa pagpakasala.² Busa, bisan sa wala pa ang Dios magbuhat sa tawo, Siya nakahunahuna sa plano para sa pagbag-o sa atong relasyon uban Kaniya. Siya mopadala sa Iyang Anak, Jesu-Kristo, aron mamatay didto sa krus. Isip atong hingpit nga pangpuli, si Jesus mibayad sa silot para sa matag tawhanong sala—sa milabay, sa pagkakaron, ug sa umaabut (Mga Taga-Roma 5:8; 2 Mga Taga-Corinto 5:14-15, 19; 1 Pedro 2:24; 1 Juan 2:2). Kini nga dili-matupngan nga plano o palisiya paingon sa katawhan maoy gitawag og grasya.

UNSA KAHA ANG GRASYA?

Ang solusyon sa Dios para sa sala nahimo pinaagi sa Iyang grasya. Ang grasya mao ang tanan nga ang Dios gawasnon sa paghimo para sa matag usa kanato pinasikad sa makaluwas nga buhat ni Jesu-Kristo didto sa krus. Kita dili makakuha o takus sa grasya; kita walay mahimo aron pagmerito sa pabor ug panalangin sa Dios. Iyang gihimo ang tanan alang kanato.

Grasya para sa Magtotoo ug Dili-magtotoo

Ang sala nagpahimulag sa dili-magtotoo gikan sa Dios. Sanglit si Jesu-Kristo misulbad sa problema sa sala didto sa krus, usa lamang ka isyu ang nagkumpronta sa dili-magtotoo: Unsa may imong hunahuna mahitungud ni Kristo? Ang isyu nasulbad pinaagi sa usa ka simpleng buhat sa pagtotoo.

2 Omniscience sa literal nagpasabut sa “kinatibuk-ang-pagkahibalo” ug naghulagway sa hiyas sa Dios sa kompletong kahibalo sa tanang mga butang, naglakip sa aktwal ug ang posibleng miagi, karon, ug umaabut nga mga panghitabo.

“Too diha ni Ginoong Jesus, ug ikaw maluwas.”
(Mga Buhat 16:31*b*).

Kay tungud sa grasya ikaw naluwas pinaagi sa pagtoo [pagtoo ni Kristo]; ug kana dili sa inyong mga kaugalingon, *kini mao* ang gasa sa Dios; dili isip usa ka resulta sa mga binuhatan, aron walay bisan usa nga makapasigarbo. (Mga Taga-Efeso 2:8-9)

Sa dihang ikaw motoo ni Jesu-Kristo, usa ka nonmeritorious nga buhat, ang Dios nga Balaang Espiritu dihadiha mipasulud kanimo sa usa ka personal ug walay-katapusang relasyon uban sa Dios nga Amahan. Ikaw naluwas pinaagi sa grasya. Bisana pa og ikaw nagpabiling usa ka daotan nga tawhanong binuhat, ikaw gideklarar nga matarong sa higayon sa kaluwasan sa dihang ikaw nahatagan sa pagkamatarong sa Dios (Mga Taga-Roma 4:3-5; 2 Mga Taga-Corinto 5:21). Dili igsapayan kung unsa kadaghana ang mga sala nga imong nabuhat diha sa imong Kristohanong kinabuhi, ang imong walay-katapusang relasyon dili gayud mabungkag tungud kay ang dili-mausab nga saad sa Dios nagpasalig sa imong mga kalapasan nga dili na gayud mahinumduman pa.

“Ako, bisan Ako, ang bugtong nagwagtang sa
imong mga kalapasan alang sa Akoa mismong
katuyoan;
Ug Ako dili na maghinumdum sa imong mga sala.”
(Isaias 43:25)

Dihadiha dayon human sa kaluwasan, ang lohistikal nga grasya nakaabut gikan sa hustisya sa Dios nganha kanimo kinsa nakaangkon sa Iyang pagkamatarong. Sa kasundalohan nga kinabuhi, lohistika, ang paghatag sa dugang mga tropa ug

kagamitan, naghatag og mahinungdanong papel. Apan diha sa Kristohanong kinabuhi ang lohistika naghatag og mas labaw pa nga dramatik ug mahinungdanong papel. Ikaw buhi pa karon tungud sa lohistikal nga grasya.³ Ang Dios naghatag sa imong matag gikinahanglan, ug isip usa ka kabahin sa imong lohistikal nga grasya ang rebound nga pamaagi naghinlo sa imong kinabuhi sa personal nga mga sala, nakapagawasnon kanimo aron sa pag-abante espirituhanon.

Nganong Rebound man?

Kon ang problema sa sala nasulbad na didto sa krus, ngano man ang sala nagpabilin nga maoy isyu? Kon ang tanang mga sala nahuman na sa pagbayad, nganong gikinahanglan pa nimo ang rebound? Aron mapasaylo! Ang mga sala *wala* napasaylo didto sa krus! Bugtong ang silot para sa sala ang gitangtang sa makausa ug para sa tanan didto sa krus. Ang kamapulihong kamatayon ni Kristo nagmugna sa katubsanan,⁴ apan dili ang kapasayloan.

Ang tanan sa wala-pang-kaluwasang mga sala, human-sa-kaluwasang mga sala, ug mga sala sa dili-magtotoo gipahamtang sa Dios nga Amahan ngadto ni Jesu-Kristo didto sa krus ug *gihukman*. Tungud niini nga paghukum ang mga sala dili na kini usa ka ali sa atong kaluwasan. Ang katubsanan gikan sa merkado sa ulipon sa sala naghimo sa dalan sa kaluwasan ug kapasayloan nga abli para sa bisan kinsang mipadayag sa pagtoo lamang ni Kristo lamang. Ang pagpakita

3 Para sa listahan sa mga panalangin nga gihatag sa higayon sa kaluwasan tan-awa kang R.B. Thieme, Jr., *The Plan of God* (Houston: R.B. Thieme, Jr., Bible Ministries, 2003), Pakapin sa basahon. Sa umaabut, ang mga panimaan sa akong mga libro mokutlo lamang sa tagsulat, uluhan, petsa sa pagmantala (sa unang panimaan), ug panid (mga panid). Ang laing mga kategoriya sa grasya ngadto sa magtotoo makita sa Thieme, *The Integrity of God* (2005) 33-35, 215-16; *Christian Integrity* (2002), 60-62.

4 Thieme, *The Barrier* (2003); *Slave Market of Sin* (1994).

sa nonmeritorious nga pagtoo mao ang higayon sa kapasayloan para sa tanang *wala-pang-kaluwasang* mga sala sa magtotoo.

Unsa kaha ang kapasayloan para sa mga sala nga mabuhat sa mga magtotoo human sa kaluwasan? Ang mga sangputanan sa *human-sa-kaluwasan* personal nga mga sala sa kinabuhi sa usa ka magtotoo gikinahanglang atubangon. Sa dihang nakasala ang usa ka magtotoo, siya sa kasamtangan nawagtangan sa fellowship uban sa Dios ug ang pagpuno sa Balaang Espiritu, ang paggahum para sa Kristohanong kinabuhi. Walay myembro sa Trinidad ang makafellowship uban sa magtotoo nga adunay wala-masugid nga sala sa iyang kinabuhi. Ang rebound, pagsugid o paghingalan sa atong nahibaloan nga mga sala ngadto sa Dios nga Amahan, mao ang bugtong paagi nga nahiuyon diha sa grasya para sa pagdawat sa kapasayloan sa Dios gikan sa human-sa-kaluwasan nga mga sala, para sa paghibalik sa fellowship uban sa Dios, para sa pagbawi sa pagpuno sa Balaang Espiritu, ug para sa pagpadayon sa espirituhanong kinabuhi. Wala nay laing kapilian pa! Ang rebound maoy mando sa Bibliya, atong agianan sa pagpakigsuud uban sa Ginoo, ang ganghaan sa gahum sa Dios sa atong kinabuhi, atong lisensiya sa pag-alagad sa Ginoo.

ANG REBELDE SA SULUD

Tungud niana og unsay akong gipanghimo, ako wala nakasabut; tungud kay ako wala nagbuhat og unsay akong *gusto* nga *buhaton*, apan ako nagbuhat sa mismong butang nga akong gikalagutan. (Mga Taga-Roma 7:15)

Busa karon, dili na gayud mao ako ang mismong nagbuhat niini, apan ang sala [kinaiya] nga anaa

nagpuyo kanako. (Mga Taga-Roma 7:17)

Sa atong tibuuk kinabuhi isip mga Kristohanon kita sa makanunayon nga nahugawan sa kinaiyang makasasala nga napanunud gikan ni Adan.⁵ Human kita makasala siguro kita makasinati og pagbati sa pagmahay o sayup; unya, kita mamasin sa pagsulay pagkab-ot sa kapasayloan nga gikan sa Dios pinaagi sa paghimo og mga buhat sa penitensiya o pagsilot sa kaugalingon. Ngano man? Kita mibati og kasaypanan tungud kay kita naghimo og mga desisyon aron sa paghimo sa mismong mga butang nga atong gikalagutan. Atong silotan ang atoa nga kaugalingon sa paglimpyo sa sayup. Kita masaypanong mangatarungan, “Kon *akong pamati* gipasaylo, tungud niana ako napasaylo.”

Kana nga tawhanong mga paningkamut sa pag-angkon og kapasayloan nakadala lamang hinoon ngadto sa pagkalibog, usa ka masaypanong-gisakyan nga konsensiya, ug espirituhanong pagkabaog. Walay bisan usa ang maka merito sa kapasayloan nga gikan sa Dios. Ang pagsabut sa relasyon tali sa kinaiyang makasasala ug sala maoy gikinahanglan aron malikayan ang guilt complex sa higayon nga kita nalambigit sa sala.

Sa dihang si Adan mipili sa pagsupak sa Dios siya namatay espirituhanon ug gitunglo uban ang kinaiyang makasasala. Kini nga kinaiyang makasasala, sunud nga napanunud sa matag tawhanong binuhat, miresulta sa espirituhanong kamatayon—nahimulag gikan sa Dios dinhi sa panahon ug eternidad ug ang labaw’ng kamandoan sa kinaiyang makasasala diha sa tawhanong kinabuhi (Mga Taga-Roma 6:12). Ang kinaiyang makasasala mismo maoy gipasa genetically pinaagi sa pagpasanay ug nagapuyo sa selyulang gambalay sa tawhanong


5 Ang kinaiyang makasasala mao ang “karaang tawo” sa Mga Taga-Efeso 4:22 (KJV); ang Adanong kinaiya sa “unud” sa Mga Taga-Roma 8:3-4; ang prinsipyo sa “sala” sa Mga Taga-Roma 7:8-20. Tan-awa ang Thieme, *God the Holy Spirit vs. Old Sin Nature* (2000).

lawas (Mga Taga-Roma 6:6; 7:14, 18).

Dili-makitang nagpahipi sa atong genetic nga katukuran, ang kinaiyang makasasala mapadayonong nagtintal sa kalag aron sa pagsupak batok sa Dios. Apan ang kinaiyang makasasala dili makahimo kanato aron makasala. Ang tintasyon dili sala. Ang *kinaiyang makasasala* usa lamang ka tinubdan sa *tintasyon*; ang atong *kabubut-on* maoy gigikanan sa *personal nga sala*. Kana kon kita mipili nga mahiagum niining sa sulud nga tigtintal kita makahimo og sala. Ang atong pagpili ang makahimo kanatong responsable para sa tanan natong mga sala.

Gawas lamang ni Jesu-Kristo, ang matag tawo nga nahimugso diha sa tawhanong kaliwatan nagapanag-iya og kinaiyang makasasala (1 Pedro 2:22; cf., Mga Taga-Roma 3:23). Ang kaluwasan dili makawagtang niining napanunud nga tigpadunut sa katawhan, apan nagahatag kanato sa agianan sa bugtong dalan aron sa pagsulbad sa mga sangputanan sa sala sa atong kinabuhi. Walay si bisan kinsang magtotoo nga walay-sala o perpekto niini nga kinabuhi.

Si Apostol Juan direktang mibungat sa problema sa sala. Ang magtotoo nga milimud nga siya kinaugalingong nakasala maoy masalaypon sa pag-ilad-sa-kaugalingon, masalaypon sa pagkaignorante sa baalang kamatuuran, o masalaypon sa pagtawag sa Dios og usa ka bakakon nga kini pagpasipala (1 Juan 1:8, 10). Atol sa iyang tibuuk kinabuhi ang magtotoo magpadayong makigbugno diha sa sala. Apan ang Dios wala kita pasagdi nga walay pangdependa batok sa pagsige og pag-atake sa tintasyon sa kinaiyang makasasala ug ang atong pagkahilig sa sala.



KINAIYANG MAKASASALA

Pagsabut sa Kinaiyang Makasasala

Aron sa pag-ila sa sala sa atong mga kinabuhi kinahanglan kita makasabut og unsaon sa kinaiyang makasasala sa pagpangita aron makaimpluwensiya ug makadumala sa atong mga kalag. Ang kinaiyang makasasala gilangkuban sa usa ka lugar sa kahuyang, usa ka lugar sa kalig-on, mga hilig paingon sa legalismo ug antinomianismo, ug mga sundanan sa kaibog. Sulud sa kinaiyang makasasala ang lugar sa kahuyang maoy tinubdan sa tintasyon para sa personal nga sala; ang lugar sa kalig-on mao ang tinubdan sa tawhanong kamaayo.

ANG LUGAR SA KAHUYANG

Ang lugar sa kahuyang nagtinguha aron sa pagbuhat sa personal nga mga sala sa tulo ka mga kategoriya. Ang una mao ang *mga sala sa panghunahuna*, nga naglakip sa garbo, kasuya, kamasinahon, kapaitan, pagdumut, pagpanimalus, dili-mopasaylo, gibati og kabalisa, kahadlok, kabalaka, kahingawa, kalooy-sa-kaugalingon (Mga Proberbio 8:13; Isaias 41:10; Mga Taga-Filipos 4:6; 1 Juan 2:11). Ang mga sala sa panghunahuna mao ang pinakamagub-anon sa espirituhanong kinabuhi. Sila dali makasugod sa usa ka pungpung sa mga sala nga naugmad ngadto sa “sumpaysumpay-nga-pagpakasala.”⁶

Ang mga sala sa dila miporma sa ikaduhang kategoriya sa personal nga mga sala. Kini nga mga sala naugmad gikan sa mga sala sa panghunahuna ug naglakip sa pagbugalbugal, paghukum, pagkabangis, tabitabi, pagsaway, pamakak. Si Santiago nagpasidaan kanato mahitungud sa kagusbatan nga buhat pinaagi niini nga kategoriya sa sala.

Mao usab ang dila usa ka gamay nga parte sa lawas, ug *labot pa* kini nagpasigarbo sa dagkong mga butang. Tan-awa, unsa ka dako sa usa ka lasang og gisilaban pinaagi lamang sa usa ka gamay nga kalayo! Ug ang dila mao ang usa ka kalayo, ang *pinaka* kalibutan sa walay-kaangayan; ang dila gipahimutang isip kabahin kanato nga diin makapahugaw sa tibuuk lawas, ug gisilaban sa kalayo ang agianan sa *atong* kinabuhi, ug sinilaban sa kalayo pinaagi sa impyerno. (Santiago 3:5-6)

Ang ikatulong kategoriya sa personal nga sala mao ang *sala*

⁶ Ang sumpaysumpay-nga-pagpakasala mao ang paghimo sa usa ka sala dungag sa uban. Tan-awa Thieme, *Isolation of Sin* (2000), 10-12.

sa buhat. Pipila sa mga sala sa buhat nga gideklarar diha sa Bibliya mao ang pagpatay, panapaw, pagkahubog, abuso sa droga, pagpangawat.

Karon ang mga buhat sa unud klaro naman, mao ang: imoralidad, pagkadili-lunsay, pagkamaulagon, pagsimbag-diosdios, pamarang, pag-away-away, kagubot, kamasinahon, hilabihang kasuko, mga panaglalis, mga panagbingkil, pagkabahinbahin, kasuya, paghuboghubog, pag-inom og daghang makahubog nga ilimnon, ug mga butang nga sama niini. (Mga Taga-Galacia 5:19-21a)

Mga tawo nga may sayup nga kasayuran nag-insister nga ang tinong mga gidili mao usab ang mga sala sa binuhatan. Ang usa ka gidili mao ang pagdili nga sa dili makatarunganong gipahamtang sa usa ka rilihiyon o sosyal nga grupo. Apan ang mga gidili dili maoy basehanan aron sa pagsukud sa sala. Samtang pipila ang wala mipalabay sa tinong mga gidili, ang Bibliya wala naghukum kanila isip usa ka sala. Ang mga magtotoo kinahanglan magpabilin kun unsay gitudlo sa Bibliya.

ANG LUGAR SA KALIG-ON

Ang lugar sa kalig-on mamahimong operasyonal lamang human ang magtotoo mipili sa pagpakasala ug miabot ubus sa pagdumala sa kinaiyang makasasala. Gikan sa lugar sa kalig-on ang kinaiyang makasasala naghimo sa mga binuhatan nga tawhanong kamaayo o “patay nga mga buhat” (Mga Hebreohanon 6:1). Kini nga mga maayong binuhatan mahimong buhaton sa mga magtotoo ug mga dili-magtotoo. Ang mga resulta siguro pareha ra diha sa tawhanong mga pagbuut. Ang tawhanong kamaayo, naglakip sa pagkamanggihatagon,

pagkamaloloy-on, ug pagkamatinabangon, mamahimong makaayo sa katawhan. Apan para sa magtotoo, gawas lang kon ang motibasyon gikan sa pagpuno sa Balaang Espiritu, walay espirituhanong bili ang mga binuhatan sa tawhanong kamaayo. Ang Kasulatan naglain tali sa maayong mga buhat nga may espirituhanon ug walay-katapusang bili ug maayong mga buhat nga bugtong may temporal nga bili lamang.

Karon kon si bisan kinsang tawo [magtotoo] magtukod diha sa pundasyon [Jesu-Kristo] nga bulawan, pilak, bililhong mga bato [balaanong kamaayo], kahoy, dagami, uhot [tawhanong kamaayo], ang matag buhat sa tawo mamahimong mailhan; kay ang adlaw magpakita niini [ang lingkuranan sa paghukum ni Kristo],⁷ tungud kay kini *ipakita* pinaagi sa kalayo; ug ang kalayo mismo ang magsulay sa kalidad sa matag buhat sa tawo. Kon sa bisan unsang buhat sa tawo [balaanong kamaayo] diin iyang gitukod kini magpabilin, siya makadawat sa usa ka ganti. Kon sa bisan unsang buhat sa tawo [tawhanong kamaayo] ang masunog, siya makaangkon og pagkawala [sa mga ganti, dili ang walay-katapusang kaluwasan]; apan siya mismo maluwas [pagadad-on sa langit], unya usab pinaagi sa kalayo. (1 Mga Taga-Corinto 3:12-15)

Sa atong limitadong panglantaw ang tanang maayong mga buhat murag pareha ra kon tan-awon. Apan ang Dios naglain niadtong gibuhad pinaagi sa gahum sa kinaiyang

⁷ Mga magtotoo lamang ang pagasusihon didto sa lingkuranan sa paghukum ni Kristo. Ang mga magtotoo dili pagahukman alang sa mga sala, diin ang tanan nahukman na didto sa krus, apan pagasusihon para sa ilang mga binuhatan sa tawhanong kamaayo o balaanong kamaayo.

makasasala og niadtong gibuhat pinaagi sa Iyang gahum. Mga binuhatan sa tawhanong kamaayo—kahoy, dagami, ug uhot—walay espirituhanong bili, dili pagagantihan sa langit, ug dili makahimaya sa Dios. Kini nga maayong mga binuhatan dili-madawat sa Dios.

Ang atong tanan nga matarong nga mga binuhatan
[tawhanong kamaayo] nahisama ra sa usa ka
buling nga bisti. (Isaias 64:6b)

Ang maayong mga binuhatan sa kasagaran dili makaabut sa ilang gitinguha nga mga resulta ug usahay makatampo ngadto sa daotan. Ang makasasalang kinaiya sa katawhan makadaot sa maayong mga katuyoan. Ang mga buhat sa tawhanong kamaayo dili mao ang permanenteng mga solusyon para sa atong mga problema. Dinhi niining dili-hingpit nga kalibutan bugtong ang mga buhat sa balaanong kamaayo, nagagikan diha sa gahum sa Dios nga Balaang Espiritu, maghatag og permanenteng mga solusyon ug makaapekto sa espirituhanong pagbuylo.

ANG KINAIYANG MAKASASALA ADUNAY DUHA KA MGA HILIG

Ang usa ka hilig sa kinaiyang makasasala mao ang paingon sa legalismo—usa ka kawang nga pagtinguha sa pag-angkon og kaluwasan, espirituwalidad, o ang pagtugot sa Dios pinaagi sa moralidad o maayong mga buhat. Ang lain maoy paingon sa antinomiyanismo—kaugalingong-pagpatagbaw nga magdala ngadto sa pagkamapasagaron.⁸ Kitang tanan adunay hilig diha

8 Antinomiyanismo naggikan sa duha ka Griyegong mga pulong: *anti* nagpasabut og “supak,” ug *nomos* nagpasabut og “balaod.” Antinomiyanismo naghulagway sa hilig paingon sa pagkawalay-balaod, pagkamahilawason, ug walay-pagpugong nga imoralidad.

sa usa ka padulngan o sa pikas. Kon kita ubus sa pagdumala sa kinaiyang makasasala kita sa kasagaran mopaingon diha sa direksiyon sa atong naandan nga hilig. Panagsa kita mopaingon sa pikas nga direksiyon. Pananglitan, ang usa ka tawo makaugmad og lugar sa legalismo, bisan pa ang iyang kasagaran nga hilig mahimo og paingon sa pagkamahilawason. Sa laing bahin, ang usa ka tawo kinsa mahilig paingon sa kaugalingong-pagkamatarong mahimong sa kalit lang mag-ugmad sa usa ka lugar sa pagkamapasagaron.

ANG SUNDANAN SA KAIBOG

Ang sundanan sa kaibog mao ang laing kinaiya sa kinaiyang makasasala. Ang kaibog mao ang usa ka dili-angay o tingali walay-katagbawan nga tinguha, ang motibasyon paingon sa bisan asa nga hilig. Ang mga kaibog naglakip sa pagkainila nga kaibog (ang tinguha alang sa pagtamud o pag-uyon), kaibog sa gahum, kaibog sa pakighilawas, sosyal nga kaibog, kaibog sa salapi, materyalismo nga kaibog, naghinobra nga ambisyon nga nagresulta sa naghinobrang kompetisyon, kaibog sa pagpanimalus, kriminal nga kaibog, kaibog sa kimikal, krusada nga kaibog, kaibog sa kalami. Ang pagtagbaw sa mga tinguha sa kaibog dili makadala sa malungtarong pagkamalipayon nga maoy gihatag lamang sa Dios. Kon kita nagamhan pinaagi sa sundanan sa kaibog sa kinaiyang makasasala, kita nahimong mga ulipon sa atong mga tinguha (Mga Taga-Roma 7:14), nahimulag gikan sa kamatuuran.


Ayaw paghukum sa mga tawo tungud kay ang ilang mga kahuyang dili imong mga kahuyang (Mateo 7:1-5). Bisan pa ang hamtong nga mga Kristohanon mahimo nga daotang makasasala usahay. Ikaw mahimong lig-on nga diin sila mahuyang. Ang dili-masalikway nga prinsipyo alang sa mga relasyon diha uban sa mga laing magtotoo mao ang pagtugot

kanila sa pagpuyo sa ilang kaugalingong kinabuhi para ngadto sa Ginoo. Ang matag usa kinahanglan modala sa ilang kaugalingong mga sala diha sa sekretong paagi diha sa Ginoo.

ANG SUKDANAN SA DIOS MAOY ABSOLUTO

Walay-Katapusang Relasyon—ang Ibabaw nga Lingin

Sa dihang kita mitoo diha ni Jesu-Kristo, ang kaluwasan dili na gayud mawagtang. Ang atong walay-katapusang seguridad gibase diha sa gibayad pinaagi ni Kristo para sa matag sala nga nabuhat sa wala pa ug nahuman na nga kaluwasan. Kining kompleto nga pagbayad naggarantiya sa atong walay-katapusang padulngan didto sa langit.⁹ Wala niini nga uniberso—ibabaw sa langit, dinhi sa kalibutan, o ilalum sa kalibutan—ang makapahimulag kanato gikan sa Dios. Sa dihang kita mitoo diha ni Jesu-Kristo, *kita dili makapawagtang sa atong kaluwasan.*



Kay ako nakumbinser nga walay kamatayon, ni kinabuhi, ni mga anghel, ni nilaglag nga mga anghel, ni mga butang sa karon, ni mga butang sa umaabut, ni mga gahum, ni gitas-on, ni gilagmon, ni bisan unsa nga laing hinimong butang, nga makapahimulag kanato gikan sa gugma sa Dios, diin anaa diha ni Kristo Jesus nga atong Ginoo. (Mga Taga-Roma 8:38-39)

Sa higayon nga kita mitoo, ang Balaang Espiritu nagbutang kanato diha sa panagtipon uban ni Kristo, ang dili-mabawi nga estado sa walay-katapusang relasyon. Ang Kasulatan nihingalan niini nga paghiusa uban ni Kristo pinaagi sa pulongan “diha ni Kristo.”

Kay isip diha ni Adan ang tanan namatay, nan usab ang *diha ni Kristo* ang tanan mabuhi. (1 Mga Taga-Corinto 15:22, ang mga italiko gidugang ra)

Tungud kay ang Dios gihimo ang tanan sa pagsiguro niini nga paghiusa, kita wala gayuy mahimo sa pagbakwi sa atong posisyon diha ni Kristo. Kita dili mahimong tangtangan gikan sa ‘ibabaw nga lingin’ sa walay-katapusang relasyon.

“Ug Ako naghatag sa walay-katapusang kinabuhi ngadto kanila, ug sila dili gayud mahanaw; ug walay si bisan usa ang makailog kanila gikan sa Akong kamut.” (Juan 10:28)

Kita gigunitan sa kamut sa Dios kinsa dili gayud mobuhi. Kita wala guniti sa atong kaugalingong moralidad, kamatinumanon, maayong mga buhat, o mga tulumanon sa rilihiyon. Ang atong kaluwasan wala nagadepende kanato. Ang kaluwasan mao

ang pinaagi sa grasya, libreng gihatag sa Dios, wala gayud makuha o may katakus.

Kay pinaagi sa grasya ikaw naluwas tungud sa pagtoo; ug kana dili sa imong-kaugalingon, *kini mao* ang gasa sa Dios; dili isip usa ka resulta sa mga buhat, aron walay bisan usa nga makapasigarbo. (Mga Taga-Efeso 2:8-9)

Tungud kay kita walay mahimo sa pagkuha sa atong kaluwasan, kita walay mahimo sa pagwagtang sa atong kaluwasan. Sama lamang nga ang kaluwasan gihatag pinaagi sa grasya sa Dios, ang atong walay-katapusang kinabuhi gipatunhay usab pinaagi sa iyang grasya. Ang Dios sa kanunay nagpatunhay kun unsay iyang gihatag.


Sa *pag-angkon* sa usa ka kabilin *nga* dili-madunut ug walay-tatsa ug dili mahanaw, nga giandam didto sa langit para kanimo, kinsa giprotektahan pinaagi sa gahum sa Dios. (1 Pedro 1:4-5a)

Walay magtotoo nga pwedeng malangkat gikan sa pinakagamhanang kamut ni Ginoong Jesu-Kristo, bisan pa kon siya mamatay nga adunay wala-masugid nga sala sa iyang kinabuhi.

Temporaryong Fellowship—ang Ubus nga Lingin

Kon kita mitoo diha ni Jesu-Kristo isip Manluluwas, kita misulud dili lamang sa ibabaw nga lingin, usa ka walay-katapusang relasyon uban sa Dios, apan kita usab misulud sa ubus nga lingin, fellowship uban sa Dios sa panahon. Ang fellowship uban sa Dios naghatag sa mga pamaagi aron sa

pagpuyo sa Kristohanong kinabuhi ug pagtubo espirituhanon. Dili sama sa ibabaw nga lingin, ang magtotoo sa iyang kaugalingong kabubut-on makatangtang sa iyang kaugalingong gikan sa ubus nga lingin.



IBABAW UG UBUS NGA MGA LINGIN

Sulud sa ubus nga lingin timailhan sa espirituwalidad, ang gawas timailhan sa karnalidad. Espirituwalidad mao ang hingpit nga kahimtang sa pagkaadunay fellowship uban sa Dios, ubus sa pagdumala sa Balaang Espiritu. Karnalidad mao ang hingpit nga kahimtang sa pagkawalay fellowship, ubus sa pagdumala sa kinaiyang makasasala. Kita dili pwede nga ang katipik espirituhanon ug ang katipik karnal. Sila walay labot sa usag usa.

Sa matag higayon nga kita midesisyon sa pagpakasala kita migawas sa ubus nga lingin og nawad-an sa temporaryong fellowship. Kita nahimong karnal kon kita nakasala; kita nahimong espirituhanon kon kita mirebound. Pinaagi sa pag-angkon sa atong mga sala didto sa Dios nga Amahan kita mibalik didto sa ubus nga lingin. Sama sa basketbol atong mabakwi ang abilidad sa pag-iskor ug sa pagdaog pinaagi sa pagrebound. Diha sa espirituhanong kinabuhi kita makabalik ngadto sa ubus nga lingin sa temporaryong fellowship pinaagi sa pagrebound.

ANG KARNALIDAD BA NAKAPAKUGANG KANIMO?

Ang Unang Mga Taga-Corinto 3:1-3 nagpamatuud sa pagkaanaa sa karnalidad diha sa mga magtotoo. Hinumdumi, ang pinaka katingalahang mga katawhan dinhi sa kalibutan mao ang mga Kristohanon, apan pipila sa mga Kristohanon mahimong malaw-ay. Giunsa man kini? Karnalidad mao ang problema.

Kon ang Kristohanon sa kanunay nagpabilin ubus sa pagdumala sa Balaang Espiritu, nagtubo sa espirituhanong pagkahamtong, iyang napakita ang bunga sa Espiritu.

Apan ang bunga sa Espiritu mao ang gugma, kalipay, kalinaw, pasensiya, kabuutan, pagkamaayo, pagkamatinumanon, pagkakalma, kaugalingong-pagkontrol; batok nianang mga butanga wala gayuy balaod. (Mga Taga-Galacia 5:22-23)

Hinoon, ang Kristohanon kinsa sa kanunay nagpabilin ubus sa pagdumala sa kinaiyang makasasala, diha sa karnalidad, makahimo sa malaglagong pangutok, binaba, ug mga sala sa

buhat. Kon wala nimo ilha ang pagkaanaa sa karnalidad diha sa mga Kristohanon, dili gayud nimo masabtan ang panginahanglan sa pagsugid sa sala. Ikaw mahisama sa Corintohanong mga magtotoo kinsa wala makahimo sa espirituhanong pag-asenso.

Ug ako, mga kaigsoonan, dili makasulti diha kaninyo sama sa espirituhanong mga tawo [napuno uban sa Espiritu], apan sama sa mga tawo nga anaa sa unud [karnal]; sama sa mga bata [*nepios*] diha ni Kristo. (1 Mga Taga-Corinto 3:1)

Kini nga mga Corintohanon mga magtotoo. “Kaigsoonan” nagpasabut sa bisan kinsa nga midawat ni Jesu-Kristo isip Manluluwas ug natawo diha sa pamilya sa Dios (Juan 1:12). Bisana pa si Pablo namadlong kanila alang sa ilang karnalidad, siya mideklarar sa ilang posisyon “diha ni Kristo.”

Tungud kay kini nga mga magtotoo dili espirituhanon, si Pablo dili makahimo sa pagsulti o pagtudlo kanila. Kon sila napuno pa lang sa Espiritu sila unta makahimo sa pagkat-on ug pagtubo gikan sa doktrina nga gitudlo ni Pablo. Sa walay-swerte, sila dili espirituhanon ug ang sangputanan wala makaabante nga labaw pa sa pinakasayon nga doktrina nga ilang nakat-onan. Sila mao ang “mga tawo sa unud,” karnal nga mga Kristohanon nga nawad-an sa fellowship uban sa Dios nga may napundong espirituhanong kinabuhi. Maskin kini nga mga Corintohanon naluwas na sila karnal ug nagdala og kagubot diha sa simbahan.

Kon ikaw nakabantay na og usa ka karnal nga magtotoo ug nakapangutana, “Sa unsang paagiha nga siya nahimong usa ka Kristohanon?” ikaw nagabase sa imong paghukum diha sa gawas nga mga makita.

“Kay ang Dios *nakakita* nga ang tawo wala nakakita, kay ang tawo nagtan-aw diha sa gawas

nga panagway, apan ang GINOO nagtan-aw diha sa kasingkasing.” (1 Samuel 16:7b)

Ang makita nga pamatasan dili mao ang isyu sa kaluwasan. Ang bugtong isyu sa kaluwasan mao ang pagtoo lamang diha ni Kristo lamang (Mga Taga-Efeso 2:8-9). Sa magkahamtong ka, bisan pa, imong madiskubre nga ang Bibliya anaay gihimong usa ka kalainan tali sa karnalidad ug espirituwalidad.

Si Pablo sa pagkatinuud miinsulto sa mga Corintohanon pinaagi sa pagtawag kanila og “mga bata.” Ang Griyego nga pungan *nepios* wala nagpasabut dinhi sa usa ka bag-ong gipakatawo, apan gigamit nga makapaus-us isip usa ka sinyales sa pagtamay para sa ignorante o wala nabansay nga magtotoo. Si Pablo mipahinumdom kanila nga sila ignorante sa Kristohanong kinabuhi tungud kay ang ilang pagtubo nasumpo pinaagi sa karnalidad.

Ang rebound mao ang unang doktrina sa usa ka bag-ong magtotoo nga kinahanglang mahibaloan sa pagtubo espirituhanon. Sa dili madugay human sa kaluwasan ang usa ka bag-ong magtotoo makasala ug mawad-an sa fellowship uban sa Dios. Gawas kon ang pagpuno sa Balaang Espiritu mahibalik siya dili makaabante diha sa Kristohanong kinabuhi. Ang doktrina dili gayud makat-onan o maaplikar diha sa iyang kinabuhi. Mao kini ang sitwasyon sa Corinto.

Ako mihatag kaninyo sa gatas [sukaranon nga doktrina] aron imnon, dili gahi nga pagkaon [uswag nga doktrina]; kay kamo dili pa makahimo sa *pagdawat niini*. Sa pagkatinuud, bisan karon kamo dili pa gayud makahimo. (1 Mga Taga-Corinto 3:2)

Sama ni Pablo ang responsibilidad sa pastor-magtutudlo mao ang paghatag sa espirituhanong pampabaskog. Apan si Pablo makahatag lamang kanila sa “gatas,” sukaranong

doktrina, imbis sa gahi nga pagkaon sa uswag nga doktrina. Ang karnalidad mipaluya sa ilang abilidad sa pagkat-on ug pag-aplikar bisan sa pinaka sukaranong mga kamatuuran sa Pulong sa Dios.

ANG IMONG LISTAHAN BA KOMPLETO?

Kay kamo nagpabilin nga unudnon [karnal]. Kay tungud nga anaay pagselosay ug panaglalis diha kaninyo, dili ba kamo mga unudnon, ug wala ba kamo naglakaw sama sa yanong mga tawo [nagsundog sa mga dili-magtotoo]? (1 Mga Taga-Corinto 3:3)

Pipila ka mga Kristohanon nga sa kasayon mitutuk diha sa pipila ka mga sala sa buhat ug ignorante sa mga dili-maihap nga panghunahuna ug binaba nga mga sala. Ang ilang listahan sa mga sala taphaw ug dili-kompleto. Bisan unsang sala makatangtang sa magtotoo gikan sa ubus nga lingin. Ang sala maoy sala ug tanang sala nagresulta diha sa karnalidad.

Ang karnalidad sa Corintohanon nga mga magtotoo misugod diha sa sala sa panghunahuna nga kamasinahon. Mabangis, naghitak nga kamasinahon taliwala niining mga magtotoo ang hinungdan sa sala sa “panaglalis.” Kini nga panaglalis mao ang dili makatarunganong kompetisyon ug ambisyon nga nadasig pinaagi sa wala masugid nga kamasinahon.

Pananglitan, ang usa ka tawo nagtinguha og pag-uyon ug pag-ila diha sa usa ka lokal nga simbahan. Kon siya makadungog og pagdayeg para sa uban, ang mga sala sa panghunahuna sa kasuya ug pakigkompetensiya ang mapukaw. Sa pagtagbaw sa iyang tinguha alang sa pag-uyon kinahanglan niyang ibalhin ang atensiyon ngadto sa iyang kaugalingon. Uban sa usa ka malisyosong pagpasangil siya moguba sa kinaiya sa iyang

karibal. Ang karibal mobalos. Ang sitwasyon mosamut samtang ang duha matumpawak ngadto sa mga sala sa dila, pagdaot ug pagbutangbutang mahitungud sa usag usa. Gawas lang kon maundang pinaagi sa rebound ug espirituhanong pagtubo, ang panaglalis mahimong panagbingkil diha sa simbahan.

“Naglakaw sama sa yanong mga tawo” nagpasabut sa motibasyon sa mga dili-magtotoo. Ang karnal nga mga magtotoo walay kalainan sa mga dili-magtotoo tungud kay pareha silang gigamhan pinaagi sa kinaiyang makasasala. Ang karnal nga mga Kristohanon nagpadayon sa pag-us-us tungud kay sila napakyas sa pagrebound. Ang mga magtotoo kaya kaayong makahimo sa bisan unsang sala ug bisan pag mopabilin diha sa karnalidad sulud sa dili mahibaloang gidugayon.

Hinoon, walay pasumangil para sa bisan kinsang Kristohanon sa pagpabilin diha sa estado sa karnalidad. Mao kini ngano nga kita kinahanglan makasabut sa rebound sa dili pa kita makapadayon sa pagkaespirituhanon. Walay bisan usa nga mahimong espirituhanon gawas lang kon sila morebound.

Ikaw siguro usa ka miserable ug salawayong makasasala. Apan ikaw makabawi tungud sa Diosnong maloloy-ong kasangkapan sa rebound. Ang Dios mipasaylo bisan pa sa pinaka hilabihang kadaotan nga makasasala. Kon ikaw makahimo sa usa ka pinaka daotang sala nga makapakugang nimo, hinumdumi kini: Kon ikaw nagpabiling buhi, ang Dios aduna pay usa ka katuyoan alang sa imong kinabuhi!

ANG LISTAHAN SA DIOS SA MGA SALA

Adunay unom ka mga butang nga ang GINOO
nasuko,

Oo, pito diin maoy Iyang gikangilngigan. (Mga
Proberbio 6:16)

Ang Dios misaway sa matag sala, apan pito ang may lahing gibug-aton. Andam ka na ba sa usa ka sorpresa? Lima niining pito ka mga sala ang dili makita! Sa pito ka mga sala nga gihinganlan sa listahan sa Dios, duha ang sa panghunahuna, tulo ang binaba, ug duha lamang ang makita. Hinumdumi kini nga mga bersikulo kon ikaw matintal sa pagbaliwala sa panghunahuna ug binaba nga mga sala ug motutuk diha lamang sa makita nga mga sala.

Mapahitas-ong mga mata, usa ka bakakong dila,
Ug mga kamut nga nagpabanaw og inosenteng
dugo. (Mga Proberbio 6:17)

“Mapahitas-ong mga mata” naglarawan sa pagkaarogante sa panghunahuna, usa ka pagtoo sa pagkahawud, kaugalingong-kaikag, makikaugalingon, ug wala masubay nga garbo. Ang pagkaarogante mao ang gamut nga sala nga nagdala ngadto sa laing mga sala. Ang mga Kristohanon kinsa nagatoo sa ilang mga kaugalingon isip labaw espirituhanon mao ang arogante. Sila nagmugna sa ilang kaugalingong moral nga mga sumbanan ug nagatoo nga sila nagkinabuhi niini. Tungud kay ilang gilikayan ang nahibaloang mga sala sa buhat sila nakumbinser nga sila labaw espirituhanon. Sila dili gayud. Ang pagkaarogante nagguba sa fellowship uban sa Dios, nagdaot sa kalag, ug nagpahilayo sa mga katawhan.

Ang sunud nga sala, “usa ka bakakong dila,” mao ang usa ka aroganteng paningkamut sa pag-usab sa kamatuuran sa pag-eskapo sa responsibilidad o pagguba sa pagkatinuud pinaagi sa pagpangilad sa uban. Sama sa tanang mga sala sa dila, ang pagpamakak nadasig pinaagi sa mga sala sa panghunahuna sama sa pagkaarogante, kabalaka, o kahadlok.

“Mga kamut nga nagpabanaw og inosenteng dugo” mao ang pagpatay. Ang mga Kristohanon pwede ug makabuhat sa pagpatay’g tawo. Ang mamumuno naggama sa iyang pamaagi

pinaagi sa dalan sa mga sala sa panghunahuna, naglakip sa kasuko, kamasinahon, pagdumut, kapaitan, panimalus nga mosangpot diha sa pagpatay.

Usa ka kasingkasing nga naglaraw og daotang mga plano,
Mga tiil nga modagan sa makusog ngadto sa daotan.
(Mga Proberbio 6:18)

Naglaraw ka ba og mga pamaagi aron makabalos batok sa mga katawhan kinsa mipasakit kanimo? “Ang kasingkasing nga naglaraw og daotang mga plano” mao ang sala sa panghunahuna sa panimalus.

“Mga tiil nga modagan sa makusog ngadto sa daotan” naghulagway niadtong nagsunud sa mga kaibog sa ilang kinaiyang makasasala ngadto sa tanang estilo sa kadaotan. Kining karnal nga mga magtotoo nagkulang sa kaugalingong-pagpugong o kaugalingong-disiplina, mahiligon sa pagbudhi, pangilad, ug pagbuhat og sayup.

Ang usa ka mining saksi *kinsa* nagsulti og mga bakak,
Ug kinsa maoy nagpakuyanap og panag-away taliwala sa mga kaigsoonan. (Mga Proberbio 6:19)

“Ang usa ka mining saksi *kinsa* nagsulti og mga bakak” kinaugalingong nagtuyo sa pagpanumpa og bakak, ang kalainan sa tawo nga may bakakong dila. Ang usa ka mining saksi inubanan sa daotang katuyoan naghimo sa pagbutangbutang ug pagpakaulaw ubus sa pagpanumpa.

Sa katapusan, “kinsa maoy nagpakuyanap og panag-away taliwala sa mga kaigsoonan” nagpahinumdom kanato sa pagkabulagbulag didto sa Corinto, usa ka sitwasyon nga sagad

ngadto sa daghang lokal nga mga simbahan pagkakaron. Ang usa ka grupo makig-indigay alang sa gahum ngadto sa laing grupo pinaagi sa pagdangup ngadto sa pagpasangil, tabitabi, ug mga pamakak aron maguba ang mga reputasyon sa ilang mga kaatbang.

Kining mga bersikuloha makapausab unta sa atong hamabaw nga panglantaw sa sala. Ang nakapasubo kita nagdili sa atong pagpanabut sa sala ngadto sa usa ka diyutay nga maklaro nga mga sala sa buhat o mga gidili. Walay giingon nga pagdili nga anaa diha sa Dios. Pipila sa pinaka daotan nga mga sangputanan nag-uban sa panghunahuna ug binabang mga sala. Aron paglikay sa karnalidad, sumpaysumpay-nga-pagpakasala, ug disiplina sa Dios kinahanglan natong makat-onan ang probisyon sa Dios aron mabakwi ang pagpuno sa Balaang Espiritu.

DUHA KA MANAGLAHI NGA MGA MINISTERYO SA BALANG ESPIRITU

Sa higayon sa kaluwasan ang matag magtotoo managsamang gipuy-an ug napuno uban ang Balaang Espiritu. Kining duha ka mga ministeryo dili parehas ug kinahanglan dili gayud angay kalibugan. Ang pagpuyo sa Balaang Espiritu maoy usa ka *permanenteng relasyon*, dili igsapayan ang atong karnalidad o pagkaespirituhanon. Ang pagpuno sa Balaang Espiritu maoy *temporaryong fellowship* nga gideterminar pinaagi sa atong karnalidad o pagkaespirituhanon.

Wala ka ba masayud nga ikaw maoy usa ka templo sa Dios, ug *ang* Espiritu sa Dios nagpuyo [*oi*keo] diha kanimo? (1 Mga Taga-Corinto 3:16)

Diha sa indicative mood ang Griyegong punglihok nga

oikeo, “sa pagpuyo,” maoy usa ka pahayag sa katinuuran, ang kasigurohan sa estado sa pagpuyo. Ang Balaang Espiritu mipuyo sa lawas sa matag magtotoo aron magbuhat sa templo para pagapuy-an ni Jesu-Kristo (1 Mga Taga-Corinto 6:19).¹⁰ Kini nga pagpuyo sa Balaang Espiritu dili gayud mawala. Ang pagpuyo permanente—nag-agad lamang sa pagkamatinumanon sa Dios; ang pagpuno temporaryo—nag-agad lamang sa atong kabubut-on.

Ug ayaw paghuboghubog diha sa bino, tungud kay kana usa ka kahilayan, apan hinoon papuno [*pleroo*] diha sa Espiritu. (Mga Taga-Efeso 5:18)

Diha sa imperative mood ang Griyegong punghihok nga *pleroo* mipaila sa kasugoan sa Dios, usa ka sugo nga nag-apil sa atong pagpili. Ang Dios dili mosugo sa usa ka kahimtang nga kita naghuput na niini. Kita kinahanglang mopili aron o aron dili mapuno diha sa Espiritu.

Pleroo nagpasabut sa “pagdugang sa usa ka kakulangan, pag-impluwensiya sa hingpit, pagdugang sa usa ka siguradong kalidad.” Walay magtotoo nga adunay abilidad sa pagsunud sa mga kasugoan sa Dios pinaagi sa tawhanong gahum. Ang Balaang Espiritu nagpuno niini nga kakulangan pinaagi sa paghatag kanato og gahum sa pagpuyo sa Kristohanong

10 Niadtong Kapanahonan sa Israel, ang wala-pa-nagpakatawo nga si Jesu-Kristo isip nga Shekinah Glory ang nagpuyo ngadto sa Tabernakulo o Templo (Exodo 25:21-22; Levitico 26:11-12; Mga Salmo 91:1; Mga Hebreohanon 9:5). Ang Shekinah Glory nakita isip usa ka panganod sa adlaw o usa ka haligi nga kalayo sa gabii, ingon man usab sama sa usa ka madan-ag nga kahayag ibabaw sa arka sa kasabutan. Ang presensiya sa Shekinah Glory nagsiguro sa saad sa Dios sa panahonon ug mahangturon nga mga panalangin ngadto sa Israel.

Sa pagkakaron nga Kapanahonan sa Simbahan ang Balaang Espiritu nagbuhat sa usa ka templo diha sa lawas sa magtotoo para sa pagpuyo ni Kristo isip usa ka Shekinah Glory. Kini mao ang paniguro sa mga panalangin sa Dios ngari kanato sa panahon karon ug para sa eternidad (Juan 14:19-20; 16:7; 17:22-23; Mga Taga-Roma 8:10; 1 Mga Taga-Corinto 3:16; 6:19; 2 Mga Taga-Corinto 3:17-18).

pamaagi sa kinabuhi. Apan ngano man, kon kita napuno diha sa Espiritu sa higayon sa kaluwasan, kini ba nga kasugoan gikinahanglan?

Ang hinungdan mao ang atong karaang kaaway, ang kinaiyang makasasala. Ang pagpuno sa Espiritu mahanaw kanus-a diin kita makasala. Diha sa karnalidad wala na kita nagamhan pinaagi sa Balaang Espiritu, apan pinaagi sa kinaiyang makasasala. Unsaon man aron kita makalingkawas niini nga paggahum?

REBOUND!

Ang rebound para sa mga magtotoo lamang. Kon ikaw wala midawat ni Jesu-Kristo isip Manluluwas, ang pagsugid walay hinungdan gayud. Isip usa ka dili-magtotoo, ikaw makahimo sa pagsugid sa imong mga sala, mobatig pagmahay sa imong mga sala, ug bisan gani makahimo sa pag-uli. Apan kun wala ang pagtoo diha ni Kristo, ang imong pagsugid walay kapuslanan.

Isip usa ka magtotoo ikaw walay pamalibad sa pagtugot sa sala sa pagguba sa imong espirituhanong kinabuhi. Rebound ug padayon sa pag-abante!

Kon isugid ta [*homologeo*, “hinganlan”] ang atong mga sala, Siya matinumanon ug matarong sa pagpasaylo kanato [pagwagtang] sa atong mga sala ug sa paghinlo [pagputli] kanato gikan sa tanang dili-pagkamatarong. (1 Juan 1:9)

Ang pulong “kon” gihubad sa ikatulong-klaseng kondisyonal

nga kabihayag sa Griyego.¹¹ Ang katumanan niini nga kondisyon nagdepende sa imong kabubut-on: Ikaw pwedeng morebound ug ikaw pwedeng dili. Matag usa kanato gikinahanglang mohukum sa pagbuhat nianang kapilian.

Ang Griyegong pulong *homologeo*, gihubad og “isugid,” nagpasabut sa “paghingalan, pagsulti, pag-angkon, pag-ila.” Ang punglihok gigamit pinakauna diha sa hudikaturang konteksto isip “pagsugid sa usa ka krimen sa korte, aron sa paghimo sa usa ka legal nga pamahayag.” Ang 1 Juan 1:9 walay kalainan. Ang pulong nagpasabut lamang sa yanong pag-ila o paghingalan sa imong mga sala ngadto sa Dios.¹² Ang *homologeo* wala nagpasabut sa pagbati og pagmahay tungud sa mga sala, pagsalikway sa dayag sa mga sala, o pag-antos sa masaypanong konsensiya; wala gayuy emosyonal nga kahulugan ang nahilambigit.

Diha sa Pinakataas nga Hukmanan sa Langit, kun unsa ang imong gibati mahitungud sa imong mga sala wala gayuy sangputanan. Walay tawhanong mga binuhatan o emosyon nga mahimong ipuno sa kang Kristo nga kompletong pagbayad para sa sala didto sa krus. Bisan tingali matuud ang mga gibating pagmahay nga magauban sa pagsugid sila wala gayuy kalabutan sa pagpasaylo sa Dios. Ikaw nagkinahanglan

11 Ang Griyegong pinulongan nagpaila sa kondisyonal nga mga kabihayag sa upat ka managlahing mga pamaagi:

1. Ang unang klaseng kondisyon giasumir ang katinuuran sa pasiuna: “Kon, ug kini gitoohan nga tinuud.”
2. Ang ikaduhang klaseng kondisyon giasumir nga ang pasiuna sukwahi sa katinuuran: “Kon imong gustohon, apan ikaw walay gusto.”
3. Ang ikatulong klaseng kondisyon nagpaila sa usa ka dili-sigurado bisan daghan ang kalagmitan sa umaabut nga kondisyon ug gipaklaro ang kabubut-on sa matag usa: “Pwede imong gustohon o pwede imong dili gustohon.”
4. Ang ikaupat nga klaseng kondisyon nagpaila sa minus nga kalagmitang umaabut nga kondisyon: “Ako naglaum niini nga tinuud, apan dili diay.”

Tan-awa ang H. E. Dana ug Julius R. Mantey, *A Manual Grammar of the Greek New Testament* (New York: The Mcmillan Company, 1955), 289-290.

12 Ang kasayuran ni Jesus isip atong manlalaban o abogado sa depensa (1 Juan 2:1) nagpakita sa hudikaturang konteksto sa 1 Juan 1:9.

lamang sa paghingalan sa imong mga sala ngadto sa Dios.

Ang pagsugid nga nagpugus og kaugalingong-pagsaway o penitensiya maoy usa ka pagpasipala ug nagsalikway sa grasya sa Dios. Ayaw insultoha ang Dios pinaagi sa pagdugang sa usa ka emosyonal nga paghangyo para sa kapasayloan. Ang 1 Juan 1:9 wala nag-ingon, “Kon kita mohangyo o mopakilooy alang sa kapasayloan.” Kini lamang nagsulti nga “ilhon” ang imong mga sala.

Isugid ngadto sa Dios Lamang

Walay biblikal nga gikinahanglan para sa ritwal nga paghinlo o balikbalik nga liturhiyanhong mga pamulong nga pagabuhaton ngadto sa usa ka pari, usa ka pastor, o sa bisan kinsang myembro sa klero. Sa higayon sa kaluwasan ikaw mahimong usa ka harianong pari uban ang pribilihiyo sa pagrepresentar sa imong kaugalingon direkta ngadto sa Dios sa managsamang pag-ampo ug pagsugid (1 Pedro 2:5, 9). Diha sa pagsugid ang imong mga sala mao ang imong kabahin ug dili ang kabahin ni bisan kinsa lang ug gikinahanglang pagahinganlan sa pribadong paagi ngadto sa Dios nga Amahan. Siya lamang ang bugtong makapasaylo kanila.

Ang dayag nga mga pagsaysay sa sala, gawas pa sa wala-kinahanglana sa pagrebound, makaaghat sa panghunahuna nga mga sala diha sa uban. Ang maong mga makadaot nga resulta mahitabo sa mga higayon diin ang publikong pag-angkon sa kasaypanan moabli pag-usab sa samad niadtong nabiktima, modahig sa naunang walay-labot nga mga kapartido, o mobutyag sa usa ka sala hilabi na gayud sa pinakangil-ad ug makapakugang ngadto sa uban.

Si David, hari sa Israel, nakahimo sa makalilisang nga mga sala inubanan sa gipataas ug malumpagong mga sangputanan. Bisán og daghang mga katawhan ang nag-agwanta, siya

misugid ngadto sa Dios lamang, “Batok Kanimong, Kanimong lamang, ako nakasala” (Mga Salmo 51:4a).

Ang pagpangayo og pasaylo ngadto sa uban kinsa imong napasakitan maoy angay sa kanunay ug kinahanglang gipadasig pinaagi sa usa ka matuud nga tinguha aron mahiuli ang pagsinabtanay ngadto sa relasyon, dili ang paghupay sa masalaypong mga pagbati. Kon ikaw mangayo og pasaylo, himoa sa pribadong paagi *human* ikaw nakabalik sa fellowship diha sa Dios pinaagi sa rebound.

Ang Kapasayloan pinaagi sa Grasya Lamang

Ang kapasayloan sa Dios nagdepende lamang sa perpekto nga kinaiya sa Dios: “Siya matinumanon ug matarong.” “Matinumanon” nagpaklaro sa pagkamakanunayon sa Dios sa pagpasaylo sa matag magtotoo kinsa miangkong sa iyang mga sala ngadto Kaniya. Ang Dios dili gayud makabawi sa Iyang saad. Ang Iyang grasya dili gayud mapakyas. Siya dili gayud mapul-an sa atong pagbalikbalik sa pagrebound. Siya dili gayud moingon, sa pagkakaron ikaw dili angayan niini. Kita dili gayud angay sa kapasayloan, apan Siya sa kanunay mopasaylo!

Ang pagkamatarong sa Dios mao ang sukaranan alang sa kapasayloan. Ang hustisya sa Dios mao ang tigpatuman sa kapasayloan. Ang Iyang perpektong pagkamatarong mao ang bugtong sukaranan nga madawat sa Iyang hustisya. Ang pagkamatarong ug hustisya sa Dios dili gayud makompromiso. Siya dili makadawat sa atong pinitensiya, masaypanong mga pagbati, emosyonal nga mga reaksiyon, o laing tawhanong mga buhat. Bugtong ang buhat sa pagluwas sa Dios nga Anak didto sa krus ang makapahimuut o makatagbaw sa integridad sa Dios nga Amahan.

Ang sunud nga duha ka mga punglihok sa 1 Juan 1:9, “pagpasaylo” ug “paghinlo,” naghulagway sa mga resulta sa

rebound. Ang Griyegong punglihok nga (*aphiemi*) nagpasabut sa “pagpasaylo, pagwagtang.” Ang dihadhiha natong pag-ila sa atong nahibaloan nga mga sala ngadto sa Dios Siya nagwagtang sa mga sala ug ang inisyal nga sangputanan sa pagkawagtang sa fellowship. Kon bisan unsang mga sangputanan nga may kalambigitan sa disiplina sa Dios nagpabilin, sila mangausab gikan sa pag-antos para sa disiplina ngadto sa pag-antos para sa panalangin. Karon napuno diha sa Espiritu, ang magtotoo makaaplikar sa doktrina sa Bibliya diha sa iyang pag-antos ug moabante paingon sa espirituhanong pagkahamtong.¹³

Unsa kaha ang mga sala nga atong nabuhat nga diin atong nahikalimtan o wala nahibalo-i nga sayup? Siya naghinlo “kanato gikan sa tanang dili-pagkamatarong.” Ang Griyegong punglihok nga (*katharizo*) nagpasabut sa “paghinlo, pagtangtang para sa katuyoan sa pagputli, busa, pagputli” ug maaplikar sa tanan nga mga sala. Ang nahibaloan nga mga sala sa kanunay inubanan sa wala mahibalo-i nga mga sala. Kon kita magaila sa nahibaloang mga sala ngadto sa Dios, Siya nagpasaylo ug nagputli kanato gikan sa *tanang* dili-pagkamatarong, naglakip sa wala nahibalo-i ug nahikalimtang mga sala.

Ang Mawaldason nga Anak

Si Jesus mipakita sa talagsaong kapasayloan sa Dios diha sa pasumbingay sa ang mawaldason nga anak (Lucas 15:11-32).¹⁴ Ang sugilanon nagtuyok sulud sa mga kalihukan sa tulo ka mga karakter: ang amahan, ang magulang nga igsoon, ug ang manghud nga anak. Ang manghud nga anak naglarawan sa magtotoo kinsa nagpadayon sa kasal-anan ug naglunang

13 Thieme, *Christian Suffering* (2002), 32-61.

14 Ang pasumbingay maoy usa ka hamubo, dili tinuud nga sugilanon nga naghulagway sa usa ka prinsipyo sa doktrina. Ang mawaldason naglarawan sa usa ka danghag ug kamawaldason sa mausikong tawo. Tan-awa Thieme, *The Prodigal Son* (2001).

diha sa karnalidad. Ang iyang mga sala mitangtang kaniya gikan sa fellowship uban sa iyang amahan, kinsa naglarawan sa Dios nga Amahan.

Mikuha sa iyang bahin sa iyang kabilin, ang mawaldason mibiya sa panimalay ug milakaw ngadto sa halayo nga nasud. Ang iyang padayong paghuboghubog ug pagpangwaldas miguba sa iyang kinabuhi—ang mga sangputanan sa karnalidad. Siya nahimong usa ka makililimos, nagpuyo kauban sa mga baboy. Miabut diha sa katapusan ang iyang kaugalingong katigayunan siya nakaamgo og unsa kadaotan ang iyang nahimo ug determinado sa pagbalik ngadto sa iyang amahan.

“Ako mobarog ug moadto sa akong amahan, ug moingon ngadto kaniya, ‘Amahan, ako nakasala batok sa langit, ug sa imong panan-aw.’” (Lucas 15:18)

Kini mao ang sa manghud nga anak nga pag-ampo sa rebound, apan ang iyang sunud nga pagsaysay nagbutyag sa iyang pagkalibog mahitungud sa kapasayloan.

“Ako dili na gayud angayan aron pagatawgon nga imong anak; himoa ako isip usa sa imong binayran nga mga tawo.” (Lucas 15:19)

Tungud sa iyang iresponsable nga kaus-usan, ang mawaldason mipatoo sa iyang kaugalingon nga ang iyang amahan wala na gayud nagmahal kaniya o nag-ila kaniya isip usa ka anak. Siya nagtoo nga ang iyang amahan motaas ang kagustohan sa pagpasaylo kaniya kon siya maghalad og pinitensiya alang sa iyang mga sala pinaagi sa kaugalingong-pagsakripisyo o pagkamasalaypon. Siya sayup. Ang kapasayloan nagbase diha sa kinaiya sa iyang amahan. Ang mga Kristohanon sa

kanunay nakahimo og susamang kasaypanan mahitungud sa kapasayloan sa Dios.

Sa dihang ang anak nahibalik na sa panimalay siya nahibulong diha sa gugma, kalooy, ug kapasayloan sa iyang amahan.

“Ug siya mibarog ug miduul sa iyang amahan. Pero samtang siya anaa pa sa halayo, ang iyang amahan nakakita kaniya, ug mibatig kalooy *para kaniya*, ug midagan ug migakos kaniya, ug mihalok kaniya.” (Lucas 15:20)

Kini nga bersikulo tin-aw nga naglarawan kun unsaon paglihok sa esensiya sa Dios sa pagpasaylo kanato. Ang omniscience sa Dios nakahibalo sa matag sala nga atoa gayung mabuhat. Siya usab nagpaabut sa matag pagsugid. Ang pagkamatarong ug hustisya sa Dios nagsiguro sa atong kapasayloan pinaagi sa pagbayad ni Kristo para niadtong mga sala. Ang gugma sa Dios gawasnong modagayday ngari kanato tungud niadtong pagbayad. Ang iyang gugma naggarantiya sa kalooy para kanato kon kita morebound.

Kon kita maghingalan sa atong mga sala ngadto sa Dios kini mura ra pud sa Amahan nga modagan paingon kanato, mogakos sa iyang mga bukton ngari kanato, ug modawat kanato pagbalik inubanan sa usa ka halok. Ang atong napasaylo na nga mga sala dili na gayud makaapekto sa atong fellowship uban sa Dios. Kana mao ang grasya sa Dios!

Kasagaran kadtong adunay mga kahilig sa legalismo mawad-ag gana tungud kay sila nagatoo nga ang rebound usa ka lisensya sa pagpakasala. Pipila sa mga magtotoo nga napakyas mahimong mogamit sa rebound alang sa susamang katuyoan. Apan ang rebound nagpabalik sa magtotoo diha sa usa ka posisyon diin siya makapuyo sa iyang espirituhanong kinabuhi ug makasilbi sa Dios, dili

kapamalibad o hatag katarungan sa sala. Walay magtotoo nga makasulud diha sa plano sa Dios gawas lamang sa gahum sa Dios nga nagagikan lamang sa pagpuno sa Balaang Espiritu. Ang rebound mao lamang ang bugtong paagi sa pagbawigan sa sala ug pagbalik sa pagpuno sa Balaang Espiritu.¹⁵

Pagkahuman sa Pagsugid, Unsa man?

Sa paghingalan sa imong mga sala ngadto sa Dios, tulo ka laing mga lakang nga kinahanglang mosunud: *Hinginli ang imong mga sala, hikalimti ang imong mga sala, ug padayon sa pag-abante.*¹⁶ Kini nga mga lakang mopugong sa padayong karnalidad pinaagi sa sumpaysumpay-nga-pagpakasala.



ANG UPAT KA MGA LAKANG SA REBOUND

HINGINLI ANG IMONG MGA SALA

Siguroha nga walay bisan usa nga dili makakab-ot sa grasya sa Dios; aron walay gamut sa kapaitan ang moturok nga hinungdan sa kagubot, ug pinaagi

¹⁵ Ang prinsipyo sa rebound makita diha sa Nehemias 1:6; Mga Salmo 32:5; 38:18; 51:3-4; Mga Proberbio 28:13; Daniel 9:4; 1 Mga Taga-Corinto 11:31; 1 Pedro 4:17.

¹⁶ Thieme, *Isolation of Sin*.

niini daghan ang mahugawan. (Mga Hebreohanon 12:15)

Ang gamut mao ang sukaranan o pundasyon sa usa ka tanum nga naghigup sa mga makapahimsog gikan sa yuta aron sa paghatag og pagkaon ngadto sa tanum. Kon ang imong kalag nagpundasyon sa “kapaitan,” usa ka magub-anong sumpaysumpay sa mga sala—hunahuna, binaba, ug makita—ang moturok. Ang kapaitan mahinog ngadto sa kasuko, pagdumut o pagpanimalus, ang natural nga pundasyon para sa tabitabi, pagbiaybiay, kabangis, o bisan gani pagpatay. Hinoon, ang panumduman sa usa ka nangaging panagbingkil o usa ka gipasaylo na nga sala kinahanglan dili gayud tugotan aron padayong makamugna sa laing mga sala. Ang milabay na nga mga sala kinahanglang hinginlan gikan sa kasamtangan aron maputol kining sumpaysumpayon nga reaksiyon.

HIKALIMTI ANG IMONG MGA SALA UG PADAYON SA PAG-ABANTE

Mga kaigsoonan, ako wala miila sa akong kaugalingon nga nakaangkon na *niana*; apan usa ka butang ang *akong nahimo*: pagkalimot kung unsa ang *anaa* nahabilin ug pagpadayon sa pagkab-ot [pag-abante] kun unsa ang *anaa* sa unahan. (Mga Taga-Filipos 3:13)

Sa wala pa ang iyang kaluwasan didto sa dalan sa Damascus si Apostol Pablo nailhan sa iyang kinaugalingong-kamatarong nga krusada sa pagwagtang sa mga Kristohanon (Mga Taga-Filipos 3:6). Bisan pa ang Dios mipasaylo niining mga mangilngig nga mga sala, ang masalaypong panumduman pwedeng makapabalda sa espirituhanong kinabuhi ni Pablo,

apan siya mihingilin ug mihikalimot sa nanglabay nga mga sala ug mitutuk sa pagkakaron nga katuyoan sa espirituhanong pagkahamtong.

Sa dihang ang sala nasugid na kinahanglang imong hikalimtan sama sa paghikalimot sa Dios (Mga Salmo 103:12; Isaias 43:25). Siguro adunay tawo nga nakapasilo nimo. Ikaw misukol uban ang kapaitan ug kasuko diin ikaw dayon misugid. Ang Dios mipasaylo ug mihikalimot niana nga sala. Apan ang imong kapakyasan sa paghikalimot sa sala maoy makadala ngadto sa nag-aso-aso nga kasuko ug ang kauhaw para sa panimalus. Kini nga mga sala sa panghunahuna kalagmitan dali makadagkot ngadto sa binaba ug mga sala sa buhat gawas lang kon ikaw morebound, hinginli ang sala, ug ibutang ang sala ngadto sa nangagi diin kini nahisakup. Dinhi lamang nga ikaw libre na sa pagpadayon paingon sa pagkahamtong diha sa Kristohanong kinabuhi.

Ako *miasdang* [padayon] ngadto paingon sa katuyoan alang sa ganti sa kahitas-ang katungdanan sa Dios diha ni Kristo Jesus. (Mga Taga-Filipos 3:14, ang mga italiko gidugang ra)

KAUGALINGONG-PAGHUKUM O DISIPLINA SA DIOS

Sa higayon nga kita nakasala kita may tulubagon sa disiplina.

“ALANG NIADTONG KINSA ANG GINOO
NAHIGUGMA SIYA NAGDISIPLINA,
UG SIYA NAGLATIGO SA MATAG ANAK NGA
IYANG GIDAWAT.” (Mga Hebreohanon 12:6)

Ang atong kapilian mao ang tali sa kaugalingong-paghukum ug

disiplina sa Dios. Ang pagsalikway sa rebound naghagbong sa magtotoo ngadto sa disiplina sa Dios.

Si Apostol Pablo tinong nagpasidaan sa mga Corintohanon niini nga prinsipyo diha sa kasulatan mahitungud sa lamesa sa komunyon (1 Mga Taga-Corinto 11:28-32). Sa dili pa ang pag-ambit sa mga elemento sa komunyon, ang usa ka magtotoo kinahanglang “mag-usisa” o “maghukum” sa iyang kaugalingon, mga kaparehas para sa rebound.

Busa tugoti ang usa ka tawo nga mag-usisa sa iyang kaugalingon [rebound], ug unya tugoti siya sa pagkaon sa tinapay ug pag-inom sa kopa. (1 Mga Taga-Corinto 11:28)

Ang matag magtotoo adunay katungud sa pag-ambit sa mga elemento sa komunyon, apan ang matag magtotoo gipasidan-an sa dili pagkaon o pag-inom niini kun aduna pay wala-masugid nga sala diha sa kinabuhi.

Kay siya kinsa nagkaon ug nag-inom, nagkaon ug nag-inom sa paghukum sa iyang kaugalingon [disiplina sa Dios], kon siya wala naghukum sa lawas sa ensakto. (1 Mga Taga-Corinto 11:29)

Tungud niini nga rason daghan diha kaninyo ang nagluya [pasidaan nga disiplina] ug nagsakit [gipakusgan nga disiplina], ug pipila ang nahikatulog [kamatayong disiplina]. (1 Mga Taga-Corinto 11:30)

Apan kon kita maghukum sa atong kaugalingon sa ensakto [rebound], kita dili kinahanglan nga pagahukman [disiplina sa Dios]. (1 Mga Taga-Corinto 11:31)

Apan kon kita pagahukman, kita gidisiplina sa Ginoo aron nga kita dili gayud pagasilotan kauban ang kalibutan. (1 Mga Taga-Corinto 11:32)

Ang “kon” sa bersikulo 31, usa ka ikaduhang klaseng kondisyon, nagpakita sa Corintohanong mga magtotoo nga nagkinahanglan sila og paghukum sa ilang mga kaugalingon, apan wala. Ang nagresultang disiplina sa Dios miguba sa kongregasyon. Tulo ka mga kategoriya sa disiplina naggumikan sa espirituhanong mga sakit ang mitakboy sa karnal nga mga Corintohanon (1 Mga Taga-Corinto 11:30):

1. “Nagluya”—mga balatian nga sukaranong dili kabahin sa lawasnong kinaiyahan. Kini nagalakip sa pagkawagtang sa enerhiya ug kabaskog, motibasyon, bisan gani depresyon. Kini mao ang *pasidaan nga disiplina* aron maawhag ang magtotoo sa pagrebound.
2. “Nagsakit”—naglakip sa tinong lawasnong (pisikal) mga balatian, hangtod pa gani sa punto sa pagkabaldado. Kini nga *gipakusgan nga disiplina* gidisenyo sa pagkugang sa masupilong magtotoo nga anaa sa karnalidad.
3. “Nahikatulog”—ang Griyegong pulong (*koimao*), mahulagwayon nga gigamit para sa lawasnong kamatayon sa mga magtotoo lamang (1 Mga Taga-Tesalonica 4:14). Kon ang usa ka magtotoo magahiong nagpabilin nga karnal ang Ginoo basin sa dili pa unta panahon motapos sa iyang kinabuhi pinaagi sa *kamatayong disiplina* o ang “sala nga nagdala og kamatayon” (1 Juan 5:16a, KJV).

Ang alternatibo sa disiplina sa Dios mao ang kaugalingong-paghukum. Pagkahuman sa rebound ug pagkahibalik sa fellowship, ang Dios nagbuhat sa usa sa tulo ka mga pilianan alang sa atong katungud. Una, basin iyang tangtangan ang

tanang madisiplinahong pag-antos (1 Mga Taga-Corinto 11:31). Ikaduha, ang madisiplinahong pag-antos basin pud mominos ug mausab ngadto sa panalangin. Ikatulo, ang madisiplinahong pag-antos basin pud magpadayon sa susamang gikusgon, apan gidisenyo para sa masdakong panalangin.¹⁷

Unsa ka taas ang usa ka magtotoo nga magpabiling gawas sa fellowship, mas magkagrabe ang disiplinang moabut. Ang gipataas nga karnalidad pwedeng moresulta og disiplinang hilabihang kagrabe nga daghan ang mapatoo nga sila wala gayud naluwas. Kini nga magtotoo mahimong walay pulus sa may kalambigitan nga plano sa Dios para sa iyang kinabuhi. Ang bugtong solusyon mao ang pagpahimulus sa grasya sa Dios pinaagi sa 1 Juan 1:9 ug *pagpadayon sa pag-abante*.

REBOUND PARA SA ESPIRITUHANONG PAG-ABANTE

Unsa kahay mapaabut kon ang usa ka magtotoo nagpuyo nga walay paggamit sa rebound sa hataas nga panahon? Ang mawaldasong anak! Sama ra usab sa mawaldasong anak diha sa Bag-ong Kasulatan, ang sumbanan sa sala, disiplina, rebound, pagkahibalik, ug panalangin mahimong makita diha sa mga kinabuhi sa mga magtotoo sa Karaang Kasulatan.

Busa, tungud kay kita adunay pinakabantugan nga usa ka panganod sa mga saksi nga nagpalibot kanato, atong ipadaplin usab ang matag kabilangan, ug ang sala nga sa pinakasayon naggapos kanato, ug atong daganon uban sa paglahutay ang lumba nga gipahimutang ngari kanato. (Mga Hebreohanon 12:1)

17 Thieme, *Christian Suffering*.

Ang bantugan nga “panganod sa mga saksi” mao ang gibantog espirituhanon nga mga bayani sa Karaang Kasulatan, ang listahan sa mga inila diha sa Mga Hebreohanon kapitulo 11. Sila dili perpekto; sila dili ‘masbalaan pa kay sa kanimo’; sila dili walay sala. Kon sila mapakyas ilang gamiton ang grasya sa Dios sa rebound. Kita, usab, kinahanglan “ipadaplin ang matag kabilinggan, ug ang sala nga sa pinakasayon naggapos kanato.” Ang Karaang Kasulatan nga mga bayani gilarawan para kanato ang panginahanglan sa rebound aron sa pag-abante espirituhanon.

DAVID: KAPAKYASAN UG PAGBAKWI

David, ang Espirituhanong Higanti

Ang tataw nga Karaang Kasulatan nga paghulagway sa sala, disiplina, rebound, pagkahibalik, ug panalangin makita diha sa 2 Samuel 11. Ang bayani mao si David, ang hari sa Israel, usa sa pinakataas nga girespetong mga magtotoo sa kasaysayan. Ang Kasulatan midayeg kaniya isip “usa ka tawo nga nagsubay sa Iyang [ang sa Ginoo] kaugalingong kasingkasing” (1 Samuel 13:14; Mga Buhat 13:22). Apan, sama sa kada laing magtotoo, si David miserableng mipakyas sa Ginoo.

Ang estorya nagsugod ni David nga anaa sa fellowship. Kini sa kalit lang nausab. Ang mga resulta nga mao ang pagkamasulub-on.

Unya kini nahitabo niadtong tingpamulak, sa panahon nga ang mga hari mogawas sa *pakiggubat*, nga si David mipadala ni Joab ug iyang mga alagad uban kaniya ug ang tibuuk Israel, ug sila miguba sa mga anak ni Ammon ug miilog sa

Rabbah. Apan si David nagpabilin sa Jerusalem.
(2 Samuel 11:1)

Sa karaang Haduul nga Sidlakan naandan sa mga kasundalohan nga mopahulay inig ka tinglaya ug tingbugnaw, unya mobalik pagporma aron sa pagpadayon sa ilang mga kampanya inig ka maayong panahon sa tingpamulak ug ting-init. Sa unang tuig ang Israel mipildi sa mga Ammonites, apan sa hinapos sa ting-init napakyas sa pag-ilog sa Rabbah, ang kaulohan sa Ammonite. Sa pag-abut sa tingpamulak ang kasundalohan sa Israel nagtigum ug nagpakatap aron sa pagliyok pag-usab sa Rabbah.

David, ang Karnal nga Higanti

Isip harianon, si David maoy responsable para sa pagpangulo sa iyang mga tropa didto sa panggubatan. Ang Balaang Espiritu mabinantayong naghimo niini nga punto: “Sa panahon nga ang mga hari mogawas sa *pakiggubat*.” Ang kabubut-on sa Dios mao ang pagpangulo ni David sa iyang mga sundalo didto sa Rabbah. Hinoon, si David mipadala ni Joab, ang iyang Pangulo sa Kasundalohan, ug sa iyang mga alagad.

Si David sa kaniadto nangulo sa matag kasundalohang kampanya, apan karon siya “nagpabilin sa Jerusalem.” Ang pagkapakyas sa pagtuman sa iyang mga responsibilidad nagbutang kang David gawas sa heograpikal nga kabubut-on sa Dios ug diha sa karnalidad. Si David karon usa na ka espirituhanong hamtong nga magtotoo nga gawas sa fellowship.

Tungud sa pagkaanaa diha sa sayup nga lugar si David nakasugat og tintasyon diin maoy iyang pinakahuyang. Si David anaay daghang mga dalaygong mga kalig-on: Siya nagpakita sa talagsaong kaisog sa pakigsangka ni Goliath, maalamong pagpangulo sa nasud, ug mapahiubsanon nga matuud ngadto

sa Dios. Apan ang iyang mga kalig-on napahinay pinaagi sa karnalidad. Ang iyang kahuyang sa mga babaye nahimong iyang kalaglagan.

Karon sa dihang ang kagabhion miabut si David mibangon gikan sa iyang kama ug milakaw palibot didto sa atop sa harianong panimalay, ug didto sa atop iyang nakita ang usa ka babayeng naligo; ug ang babaye pirting guwapaha ang hitsura. (2 Samuel 11:2)

Si David adunay diyutay nga mabuhat palibot sa Jerusalem, tungud kay ang iyang responsibilidad mao ang makig-uban sa iyang kasundalohan didto sa Rabbah. Dayag lamang nga siya natulog halos sa tibuuk adlaw. Sa dihang siya nahigmata diha sa kagabhion siya gilaayan. Busa siya nilakawlakaw didto sa hardin sa palasyo. Sa karaang kalibutan, ang mga hardin wala diha sa yutang patag, apan didto sa atop. Samtang si David nagsuroysuroy, iyang nakita ang usa ka hilabihang kaanyag nga babaye nga naligo. Sa kalit lang nawagtang ang kalaay ni David. Iyang nakaplagan kini nga talan-awon nga mas makalingaw pa kaysa iyang hardin.

Kon si David anaa pa lang sa fellowship sa dihang iyang nakita kining maanyag nga babaye, siya makapugong siguro sa tintasyon. Bisan pa, siya adunay tulo ka mga asawa ug pinakaminos napulo ka mga kirida. Pagkakita ingon niadto ka kahinaman nga babaye dili kini usa ka bag-ong panghitabo diha sa iyang kinabuhi.

Apan si David gawas sa fellowship. Bisan kinsang magtotoo nga gawas sa fellowship makakaplag sa tintasyon nga madagonon, hilabi na sa mga lugar diin maoy iyang kahuyang.

Kon ang imong kahuyang mao ang kamasinahon, kapaitan, kasuya, pagtabitabi, o pagbiaybiay sa uban, kini mahimong mas lisud aron likayan ang tintasyon sa sala niini nga mga lugar.

Kining maanyag nga babaye midani sa kahuyang ni David. Sa pagtintal sa imong lugar sa kahuyang samtang ikaw anaa diha sa fellowship maoy usa ka butang; sa pagtintal sa imong lugar sa kahuyang samtang ikaw anaa gawas sa fellowship mahimong lain nga butang sa kinatibuk-an.

Busa si David nagpadala ug nagpangutana mahitungud sa babaye. Ug ang usa miingon, “Kini dili ba si Bathsheba, ang anak nga babaye ni Eliam, ang asawa ni Uriah ang Hittite?” (2 Samuel 11:3)

Si David mimando sa iyang mga sulugoon sa pagsuta sa pagkatawo niini nga babaye. Ilang nadiskubrehan nga siya ang asawa sa usa sa mga kumander ni David. Si Uriah, dili sama ni David, atoa diin siya saktong nahimutang—didto sa Rabbah uban ang kasundalohan sa Israel.

Ug si David mipadala og mga mensahero ug mikuha kaniya, ug sa dihang siya miabut kaniya, siya midulog uban kaniya; ug sa dihang siya nakahinlo na sa iyang kaugalingon gikan sa iyang dili pagkahinlo, siya mibalik sa iyang panimalay. Ug ang babaye nanamkon; ug siya misugo ug misulti ni David, ug miingon, “Ako nagsabak.” (2 Samuel 11:4-5)

Si David nakakita og paagi sa pagwagtang sa iyang kalaay—pagpanapaw. Kon si David usa ka Kristohanon pagkakaran, pipila sa iyang mga higala siguro makaingon nga si David dili gayud tinuud nga usa ka Kristohanon. Sila sayup gayud. Si David naluwas ug anaa sa langit karon. Siya ang laing magtotoo kinsa mipiling maglakaw ngadto sa lit-ag sa karnalidad. Ang iyang mga sala sa panghunahuna nahimong makita.

Ang usa ka magtotoo nga gawas sa fellowship may katakus

sa pagbuhat sa mga sala sama ka salawayon sa usa ka dili-magtotoo. Kini wala magpasabut nga si David mas ngil-ad pa kay sa mga dili-magtotoo. Ang Kasulatan wala naglain sa pagpanapaw nga mas mangil-ad pa kay sa ubang mga sala. Mga sala sa dila—pagguba sa kadunggan—makaguba usab sa daghang mga katawhan, sama usab sa pagpanapaw nga kanunay miguba og masdaghan pa kay sa duha ka mga binuhat nga nahilambigit. Ang tanang sala nagtangtang sa usa ka magtotoo gikan sa fellowship uban sa Dios, ug pwedeng magsugod sa usa ka katalagmanong nagsunudsunud nga mga sala. Si David hapit nang maghimo sa usa ka nagsunudsunud nga mga sala nga makaapekto sa iyang tibuuk gingharian.

Ang mga Laraw ni David

Unya si David mipadala ngadto ni Joab, *nag-ingon*, “Ipadala kanako si Uriah ang Hittite.” Busa si Joab mipadala ni Uriah ngadto kang David. Sa dihang si Uriah miduul kaniya, si David nangutana mahitungud sa kaayohan ni Joab ug ang mga tawo ug ang kahimtang sa gubat. (2 Samuel 11:6-7)

Sa dihang siya nangutana ni Uriah, si David mipasumangil nga nabalaka para sa sitwasyon sa panggubatan. Si David dili gayud interesado sa pagliyak sa Rabbah. Hinoon, siya nagplano sa pagtago sa iyang pagdani ni Bathsheba. Si David nagmugna sa usa ka batid nga lipatlipat sa pagdani ni Uriah sa pag-uli aron makauban ang iyang asawa tungud kay siya naglaum sa pag-eskapo sa pasangil sa iyang pagsabak. Ang gipakitang kaligdong ni David sa dihang siya nangutana mahitungud sa kasundalohan walay kalainan kaysa pagpakaaron-ingnon ug pagpanglingla.

Ang pagpakaaron-ingnon maoy kasagarang kinaiyahan sa

karnalidad. Ang usa ka magtotoo nga gawas sa fellowship kasagaran nga nagsulay sa pagtago o paglimud sa iyang sala. Uban ang matag nagkasakang sala si David nausab gikan sa pagkaespirituhanong higanti ngadto sa usa ka karnal nga nagpakaaron-ingnon.

Unya si David miingon ni Uriah, “Lakaw adto sa imong panimalay, ug hugasi ang imong mga tiil.” Ug si Uriah migawas sa harianong panimalay, ug ang usa ka gasa nga gikan sa hari gipadala sunud kaniya. (2 Samuel 11:8)

“Hugasi ang imong mga tiil” maoy usa ka Hudiyong sinultihan nga lahig kahulugan para sa “dayon sa balay.” Niadtong panahon ni David, ang mga kalsada sa Jerusalem pirting kaabog nga ang matag panimalay anaay usa ka hugasanan sa tiil diha sa pultahan. Sa dili pa mosulud sa iyang panimalay, ang usa ka tawo motangtang sa iyang mga sandalyas ug mohugas sa iyang mga tiil. Kon ang usa ka bisita mituktuk sa pultahan, imbis nga moingon, sulud, ang tubag mao ang, hugasi ang imong mga tiil.

Apan si Uriah natulog didto sa pultahan sa harianong panimalay uban ang tanang mga sulugoon sa iyang agalon, ug wala mipauli ngadto sa iyang panimalay. (2 Samuel 11:9)

Si Uriah napakyas sa pagtuman sa kagustohan ni David, og mipakyas sa iyang plano. Hinoon siya “natulog didto sa pultahan sa haarianong panimalay.” Ang pultahan sa harianong panimalay wala nagpasabut sa kang David nga palasyo, apan ngadto sa balantayan duul sa harianong ganghaan. Nahimutang didto ang espesyal nga baraks aron kapuy-an sa harianong mga magbalantay. Imbis nga siya mouli aron sa pagpalabay sa kagabhion uban ang iyang asawa, si Uriah mipadulong ngadto

sa baraks sa balantayanan uban ang magbalantay sa palasyo. Si Uriah usa ka responsable nga sundalo kinsa dili malingaw sa kalipay sa panimalay samtang ang kasundalohan atoa sa panggubatan.

Karon sa dihang ilang gisultihan si David, nga nag-ingon, “Si Uriah wala mipauli didto sa iyang panimalay,” si David miingon ni Uriah, “Ikaw ba wala nagagikan sa usa ka panaw? Nganong wala ka man mipauli sa imong panimalay?” Ug si Uriah miingon ni David, “Ang arka ug Israel ug Judah nagapuyo sa temporaryong mga puy-anan, ug ang akong agalong si Joab ug ang mga sulugoon sa akong agalon nagkampo diha sa hawanan. Unya moadto ba ako sa akong panimalay sa pagkaon ug pag-inom ug pagdulog sa akong asawa? Sa imong kinabuhi ug ang kinabuhi sa imong kalag, ako dili makahimo niini nga butang.” (2 Samuel 11:10-11)

Si David siguro nagkulismaot sa dihang siya nakadungog niini nga tubag. Sa tibuuk niyang kinabuhi si David mipakita sa usa ka talagsaong kahibalo sa responsibilidad, busa ang pagkamaunungon ug pagtagad ni Uriah para sa iyang mga kasundalohan nakapapukaw na gayud unta sa konsensiya ni David. Samtang ang tanang kinatibuk-ang kasundalohan nag-agwanta sa mga kalisdanan didto sa panggubatan, si David nalingaw sa mga kalipayon didto sa palasyo. Kon si David anaa pa lang sa fellowship siya ug si Uriah naglakaw na unta paingon sa Rabbah dihadiha. Apan unsa ang iyang gihimo? Si David mibuhat og laing pagsulay sa pagdani ni Uriah nga mouli.

Unya si David miingon ni Uriah, “Pabilin dinhi karong adlaw usab, ug ugma ako magtugot kanimo sa

paglakaw.” Busa si Uriah mipabilin sa Jerusalem niadtong adlaw ug pagkaugma. Karon si David mitawag kaniya, ug siya mikaon ug miinom uban kaniya, ug iyang gihubog siya; ug sa pagkagabii siya migawas aron mohigda diha sa iyang kama uban sa mga sulugoon sa iyang agalon, apan wala siya mipauli ngadto sa iyang panimalay. (2 Samuel 11:12-13)

Si David mihubog ni Uriah.¹⁸ Si David naglaum nga sa higayon nga ang pagpugong ni Uriah mawagtang, siya moadto sa kama sa iyang asawa. Si David mibuhat sa tanang mga kahanas sa pagmanipula nga kinaiya sa karnal nga nagpakaaron-ingnon, nataranta sa pag-eskapo sa mga sangputanan sa iyang kaugalingong sayup nga mga desisyon. Ang mabangis nga pagkamalimbongon ni David nakakab-ot og bag-ong pamaagi. Pipila sa mga pinaka limbongang mga katawhan mao ang mga magtotoo nga gawas sa fellowship.

Ang iyang mga manipulasyon milampos ba? Gumikan sa pagpamugus ni David si Uriah nahubog, apan bisan pa sa tintasyon, si Uriah nagpabilin sa iyang mga sukaranang militar nga integridad.

Karon sa miabut ang kabuntagon nga si David misulat sa usa ka surat ngadto ni Joab, ug gipadala *kini* pinaagi sa kamut ni Uriah. (2 Samuel 11:14)

Si David desperado. Ang bugtong solusyon sa iyang dilemma maingon nga mao ang kamatayon ni Uriah. Sa pagtuman sa iyang daotang buhat si David misulat sa usa ka surat ngadto ni Joab. Dili lamang bugtong nga si David masalaypon sa

18 Thieme, *Daniel Chapters One through Six* (1996), 206-11.

pagpatay, apan siya mihimo ni Joab nga usa ka kasabwat. Si David nahibalo nga ang usa ka opisyal sama kang Uriah nga integridad dili gayud makahimo sa pagsusi sa usa ka sulat nga iyang gidala.

Ug iyang gisulat diha sa sulat, nga nag-ingon, “Ibutang si Uriah diha sa pangunahan sa pinaka piligrong pakigsangka ug atras gikan kaniya, aron nga siya mahimong matikbasan ug mamatay.” (2 Samuel 11:15)

Si Joab nakasabut sa pangandoy sa iyang hepekomandante. Ang kamandoan tataw gayud: Sulungon ang Rabbah uban ni Uriah nga nag-una, unya atras, biyaan si Uriah nga nag-inusara ug walay proteksiyon gikan sa kaaway.

Unya kini nahitabo samtang si Joab nagbantay sa siyudad, nga iyang gibutang si Uriah didto sa lugar diin siya nahibalo nga *adunay* maisog nga mga kalalakihan. Ug ang mga kalalakihan sa siyudad nanggawas ug nakig-away batok ni Joab, ug pipila sa mga katawhan nga kauban sa mga sulugoon ni David nangamatay; ug si Uriah ang Hittite usab namatay. (2 Samuel 11:16-17)

Ang kang Uriah nga yunit misulong diha mismo sa ubus sa siyudad nga mga pader. Unsa ka masulub-on nga ang usa ka maisog nga sundalo maoy gisakripisyo para sa pangibog ni David.

Unya si Joab mipadala ug mitug-an ngadto ni David sa tanan nga mga hitabo sa gubat. Ug iyang gisugo ang mensahero, nga nag-ingon, “Sa dihang ikaw matapos sa pagsulti sa tanang mga hitabo sa gubat

diha sa hari, ug kon kini mahitabo nga ang kasuko sa hari mosaka ug siya moingon diha kanimo, ‘Nganong mipaduul man kamo pag-ayo sa siyudad aron makigsangka? Wala ba kamo nasayod nga sila makatira gikan sa pader? Kinsa ang mipukan ni Abimelech ang anak ni Jerubbesheth? Dili ba usa ka babaye ang mitagak sa tabon sa galingang bato ngadto kaniya gikan sa pader aron nga siya mamatay sa Thebez? Nganong kamo nagpaduul pag-ayo sa pader?’—unya ikaw moingon, ‘Ang imong sulugoon nga si Uriah ang Hittite namatay usab.’” (2 Samuel 11:18-21)

Ngano man nga si Joab nagdahum ni David nga mahimong masuko? Tungud kay si Joab nakahimo sa usa ka taktikanhong pagkasipyat diin mikalas og kinabuhi sa pipila ka katawhan. Siya nibiya sa usa ka yunit nga nabisto ug walay proteksiyon aron lang ang kumander mapatay. Sa higayon nga si David makadungog niini nga balita siya sigurong masuko ni Joab tungud sa paghimo sa makamatay nga kasaypanan. Unya si Joab miingon kon si David masuko, isulti lamang ngadto kaniya, “Si Uriah ang Hittite namatay usab.” Si Joab nanalipod sa iyang kaugalingon pinaagi sa pagpahinumdom ni David sa iyang naunang kamandoan.

Busa ang mensahero mibiya ug miabut ug mibalita ngadto ni David sa tanan nga si Joab mipadala kaniya *sa pagbalita*. Ug ang mensahero miingon ni David, “Ang mga katawhan mipatigbabaw batok kanamo ug nakig-away batok kanamo didto sa hawanan, apan amo silang gigukod hangtod sa agianan sa ganghaan. Dugang pa, ang mga tigpamana mitira sa imong mga sulugoon gikan didto sa pader; mao nga pipila sa mga harianong mga sulugoon ang

nangamatay, ug ang imong sulugoon nga si Uriah ang Hittite namatay usab.” (2 Samuel 11:22-24)

Unya si David nagpakaaron-ingnon.

Unya si David miingon sa mensahero, “Busa ikaw magaingon ni Joab, ‘Ayaw tugoti kining butanga nga makapasubo kanimo, kay ang espada nagtukub sa usa maingon man usab sa uban; himoa ang inyong pagpakig-away batok sa siyudad nga maslig-on ug kini buntoga’; ug *busa* dasiga siya.” (2 Samuel 11:25)

Ang pampadasig ni David kang Joab maoy hingpit nga nagpakaaron-ingnon. Si Joab napildi sa gubat tungud kay siya misunud sa mando ni David aron sa pagpatay ni Uriah. Si David sukad na sukad wala gayud nagtratar sa pagkahanaw sa iyang mga kasundalohan ingon niini ka ordinaryo. Kini maoy dili normal niyang gimbuhaton. Walay banggiitang kapitan sa kasaysayan nga hilabihan ang pagkapilosopiyanhon diha sa kapildihan sama sa pag-ingon “kay ang espada nagtukub sa usa maingon man usab sa uban.”

Karon sa dihang ang asawa ni Uriah nakadungog nga si Uriah nga iyang bana patay na, siya nagbangutan para sa iyang bana. (2 Samuel 11:26)

Ang karnalidad ni David midala og kasakit ug kaguul ngadto ni Bathsheba kinsa klarong nahigugma sa iyang bana ug nagbangutan para kaniya. Ang mga sala sa usa ka magtotoo kasagaran nag-apil ug nagpasakit sa uban.

Sa dihang natapos na ang *panahon* sa

pagbangutan, si David misugo ug midala kaniya sa iyang panimalay ug siya nahimong iyang asawa; unya siya nagsabak sa iyang anak nga lalaki. Apan ang butang nga nabuhat ni David maoy kadaotan diha sa panan-aw sa GINOO. (2 Samuel 11:27)

Walay magtotoo nga mahimong mananaog kon gawas sa fellowship o gawas sa plano sa Dios. Si David dili eksipsyon. Wala gayud bisan kausa sa panahon sa ‘Operasyon Bathsheba’ nga si David misugid sa iyang mga sala. Siya angayan lamang kun unsa ang iyang gihatag ni Uriah, apan pagkahuman sa tibuuk nga panghitabo si David nagpabiling buhi. Ang Dios aduna pay plano para sa iyang kinabuhi. Apan diha lamang pagkahuman nga naagian ang masakit nga lawasnon ug emosyonal nga pag-agwanta sa disiplina sa Dios siya sa katapusan mirebound. Unya siya makapadayon ngadto sa pagkahamtong isip usa ka magtotoo.

Angay ba Kini?

O GINOO, badlonga ako dili diha sa Imong kapungot;
Ug kastigoha ako dili diha sa Imong madilaabon nga kasuko.
Kay ang Imong mga pana midulot pag-ayo ngari kanako,
Ug ang Imong kamut miduut paubus diri kanako.
(Mga Salmo 38:1-2)

Ania ang usa ka hulagway sa kinaugalingong-binuhatan nga kaalaotan ug malagbason nga kasakit. Si David nag-agwanta ubus sa kalisdanan nga iyang nasulayan gikan sa disiplina sa Dios para sa iyang mga sala. Kini nga “mga

pana” maoy mga pana sa disiplina sa Dios diin misulud ngadto sa kahiladman sa kalag ni David. “Ang Imong kamut miduut paubus diri kanako” maoy usa ka pulong-pasumbingay nga nagpasundayag sa gibug-aton sa nahiaguman ni David. Siya gayud makatarunganong gisilotan sa Ginoo.

Walay kahapsay sa akong kaunuran tungud sa
Imong kayugot;
Walay kabaskog sa akong mga bukog tungud sa
akong sala.
Kay ang akong mga kalapasan miabut lapas sa
akong ulo;
Sama sa usa ka mabug-at nga palas-anon og sila
mitimbang maslabaw ra para kanako.
Ang akong mga samad nag-anam og kabaho *ug*
nagngutngut.
Tungud sa akong kabuang,
Ako nahasol ug hilabihan ang kalisdanan;
Ako nagbangutan sa tibuuk adlaw. (Mga Salmo
38:3-6)

Ang mga bersikulo 3 hangtod sa 6 naghulagway sa traumatic nga emosyonal ug lawasnong mga sangputanan sa sala ni David. “Walay kahapsay sa akong kaunuran” maoy usa ka Hebreohanong panultihon para sa pagkawala sa kabaskog. Ang mga sala ni David nakaapekto sa iyang lawasnon ug panghunahunang kabaskog. Ang iyang nagpangutngut nga kasaypanan nahimong usa ka emosyonal nga palas-anon nga nagbilin kaniya og grabeng kasubo nga nakita diha sa iyang lawasnong panglihok.

Ang kagrabehon niini nga disiplina kinahanglan ngadto ipasangil sa iyang pagkapakyas sa pagrebound (Mga Salmo 32:3). Kon kita napakyas sa pagrebound ug paghingilin sa atong sala usa ka sumpaysumpay nga reaksiyon ang

madebelop. Ang orihinal nga sala mahimong matapok pinaagi sa masalaypong reaksiyon inubanan sa nagkalainlaing mga sala sa panghunahuna, naglakip sa pagpakaaron-ingnon, kahadlok, kaguul, kabalaka, depresyon, kasuya, kapaitan, pagdumut, kasuko. Uban niini kining mga sala nagbunga og kabug-aton ug kagul-anan diha sa kalag, nga nagguba sa lawasnong kabaskog (Mga Salmo 32:3-4).

Kay ang akong mga bat-ang napuno sa kainit;
Ug walay kahupayan sa akong kaunuran.
Ako namanhud ug grabeng napiit;
Ako nag-agulo tungud sa kasamok sa akong
kasingkasing. (Mga Salmo 38:7-8)

Ang “mga bat-ang” nagpasabut sa nervous system, nga maoy apektado sa mga sala sa panghunahuna ni David. Isip usa ka resulta sa kaguul ug kabalaka ang iyang lawasnong pagkaalaot nahimong nagkagrabe nga siya nagsalimuang mahitungud sa pag-agulo.

Ginoo, ang tanan nakong tinguha anaa diha
Kanimo;
Ug ang akong pagpanghupaw wala natago diha
Kanimo.
Ang akong kasingkasing nagpitikpitik, ang akong
kabaskog mibiya kanako;
Ug ang kahayag sa akong mga mata, nahanaw pa
gani ngari kanako. (Mga Salmo 38:9-10)

Ang problema ni David mao ang sala sa buhat nga gipagana pinaagi sa mga sala sa panghunahuna, og naglakip sa pagkamasalaypon. Ang nagkaanam-pagsaka nga kabug-aton niining mga sala nga mipahimutang sa kalag ni David naghulga sa iyang kabuut. Siya nawad-an sa motibasyon, kalagsik, ang

kapasidad para sa malipayong kinabuhi.

Ang akong minahal sa kinabuhi ug ang akong mga
kahigalaan wala nagpakabana sa akong kagulan;
Ug ang akong kabanay nga mga lalaki mipahilayo.
(Mga Salmo 38:11)

Dili lamang miguba ang mga sala ni David sa iyang temporaryong fellowship uban sa Dios ug sa iyang kabaskog, sila miguba sa iyang tawhanong mga relasyon. Walay bisan usa nga malipayon mag-uban sa usa ka tawo kinsa sa kanunay miserable. Walay bisan usa ang nagtinguha aron mahimong madamay sa disiplina sa Dios sa laing magtotoo. Ang mga kahigalaan ni David nagsugod sa paglikay kaniya. Bisan pa ang iyang pamilya naglikay kaniya.

Kadtong mga nagtinguha sa akong kinabuhi
nagpahimutang og lit-ag *para kanako*;
Ug kadtong kinsa nagtinguha sa pagpasakit
kanako nagahulga sa kalaglagan,
Ug sila nagplano sa pagbudhi sa tibuuk adlaw.
Apan ako, sama sa usa ka tawong bungol, dili
makadungog;
Ug ako nahisama sa usa ka tawong amang kinsa
dili makaabli sa iyang baba.
Oo, ako nahisama sa usa ka tawo kinsa dili
makadungog,
Ug kansang baba ang walay mga pangatarungan.
(Mga Salmo 38:12-14)

Ang disiplina sa Dios mahimo usab nga maglakip sa mga pag-ataki gikan sa imong mga kaaway. Ang daghang mga kaaway ni David nagpahinam sa oportunidad nga gihatag niining

kalamidadnong mga sangputanan. Bisan pa sila siguro wala makasabut sa hinungdan, sila nakaamgo nga siya nagkaanam og kaluya ug kahuyang. Pagpahimulos sa kahuyangon ni David sila nagplano sa mabangis ug malimbungong mga pag-ataki batok kaniya.

Dinhi niining nagkaus-us nga kondisyon si David adunay diyutay nga ikasulti. Dili makalaban ug naghukdong, siya walay motibasyon sa pagsukol. Ang tanang mga isyu nga naghimo sa kinabuhi nga bililhon nahimong walay hinungdan ngadto kaniya.

Nawad-an na sa paglaum ug miabut na sa kahiladman, siya sa katapusan nakaamgo nga ang iyang bugtong paglaum anaa diha sa Ginoo. Diha na sa pagkahuman sa gipakusgang disiplina sa Dios nga si David mihunahuna sa rebound.

Kay ako naglaum kanimo, O GINOO;
Ikaw motubag, O Ginoo akong Dios.
Kay ako miingon, “Unta sila dili magmalipayon
batok kanako,
Kinsa, kon ang akong tiil madakin-as, nakapalig-
on sa ilang kaugalingon batok kanako.”
Kay ako andam sa pagkapukan,
Ug ang akong kagul-anan nagpadayon ngari
kanako. (Mga Salmo 38:15-17)

Ang Rebound ni David

Ang kasakit ug pagkaalot ni David nahimong dili na gayud maagwanta nga siya nangandoy sa pagtapos sa iyang pag-antos.

Kay akong isugid ang sa akong pagkadaotan;
Ako puno sa kabalaka tungud sa akong kasal-
anan. (Mga Salmo 38:18)

Ang unang katunga niini nga bersikulo, ang pagsugid, naghulagway *unsaon* pagbalik sa fellowship. “Kay akong isugid ang akong mga kadaotan” maoy pag-ampo ni David sa rebound. Ang paghingalan sa mga sala ngadto sa Dios nga Amahan mao lamang ang gikinahanglan. Ang ikaduhang katunga sa bersikulo nagpadayag sa mga emosyon ni David niadtong higayona. Ang mga emosyon malagmit maanaa ug normal nga hingpit, apan dili maoy basehan sa pagpasaylo sa Dios. Ang pagbatig pagmahay para sa iyang mga kasalanan maoy usa ka lihitimong reaksiyon, apan kini nagdepende lamang sa probisyon sa Dios, dili sa tawhanong emosyon, ang nagpahibalik sa magtotoo ngadto sa fellowship.

Unsa ang Presyo nga Pagabayaran!

Unsa man sa katapusan ang midala ni David sa iyang panimuut? Ang Dios misugo ni Nathan ang propeta sa pagsukna sa hari, usa ka makalilisang ang mapaabot tungud kay ang wala nahilunang hari mao ang katapusang awtoridad sa lugar. Apan si Nathan isip usa ka propeta adunay reponsibilidad nga mamahimong kritikal sa politikanhong pamunuan sa Israel.

Si Nathan mipili sa pagsukna ni David pinaagi sa paggamit sa usa ka pasumbingay. Niini nga pagsaysay ang mga panghitabo naghulagway sa mga sala ni David. Apan si David hilabihan ang pagkarasyonal ug pangatarungan sa iyang mga sala nga siya buta sa pag-aplikar sa pasumbingay. Siya dili gayud unta moreak sama niadto nga kayugot kon iyaha palang nasabtan ang tinuud nga kahulugan niini.

Unya ang GINOO mipadala ni Nathan ngadto kang David. Ug siya miadto kaniya, ug miingon,
“Adunay duha ka mga lalaki sa usa ka siyudad,
ang usa dato ug ang usa pobre.

Ang datong tawo adunay kinadaghanan sa mga panon ug mga kahayopan.
Apan ang pobreng tawo wala gayud gawas sa usa ka gamay nga babaeng karnero
Nga iyang pinalit ug gipakaon;
Ug kini midako uban kaniya ug sa iyang mga anak.
Kini gipakaon sa iyang tinapay ug gipainom sa iyang kopa ug gipahigda sa iyang dughan,
Ug nahisama sa usa ka anak nga babaye kaniya.
Karon usa ka magbabyahe miadto didto sa datong tawo,
Ug siya nagdumili sa pagkuha gikan sa iyang kaugalingong panon o sa iyang kaugalingong kahayopan,
Sa pag-andam para sa magbabyahe kinsa miabut ngadto kaniya;
Hinoon iyang gikuha ang babaeng karnero sa pobreng tawo ug kini giandam para sa tawo nga miabut ngadto kaniya.” (2 Samuel 12:1-4)

Kon si David wala lang nalubong pag-ayo ngadto sa karnalidad siya makasabut unta sa kahulugan sa pasumbingay: Siya mao ang datong tawo. Ang pobreng tawo mao si Uriah ang Hittite, karon patay na. Ang iyang bugtong gipanag-iyang mao ang “usa ka gamay nga karnerong babaye”—si Bathsheba.

Kaniadto sa karaang Israel ang naandan mao ang pagpatay sa pinatambok nga nating baka o karnero aron sa pagdawat sa usa ka bisita. Imbis nga magkuha gikan sa iyahang kaugalingong abunda nga mga panon, ang datong tawo mikawat sa nag-inusarang karnero sa pobreng tawo. Ang aplikasyon, si David adunay daghang matahum nga mga asawa, bisan pa iyang gikuha si Bathsheba gikan ni Uriah.

Unya ang kasuko ni David misilaub pag-ayo batok adtong tawhana, ug siya miingon ngadto ni Nathan, “Maingon ang GINOO buhi, sigurado ang tawo kinsa mihimo niini angayan aron mamatay. Ug siya kinahanglang maghimo sa pagbayad para sa karnero upat ka pilo, tungud kay iyang gihimo kini nga butang ug walay kalooy.” (2 Samuel 12:5-6)

Ngano mang si David pirti gayung sukoa? Ang iyang pagkamakiangayon maoy nasakitan, apan siya napakyas sa pagbuhat sa personal nga aplikasyon. Sa walay pagkahibalo, siya mipakanaog sa iyang kaugalingong paghukum. Bugtong ang grasya sa Dios ang mipaubus sa sentensiya sa kamatayon (Exodo 21:14; Levitico 20:10). Imbis kay silot sa kamatayon ang Dios migamit sa ikaupat ka pilo nga pag-uli isip mao ang basehanan para sa disiplina ni David. Ang Dios mikastigo ni David labaw pa kay sa unsay nahisulat diha sa Mga Salmo 38. Sa labing kataas nga ikaw nagpabiling gawas sa fellowship, sa labing kamahal usab ang presyo nga imong pagabayaran.

Si Nathan dayon miingon ngadto ni David, “Ikaw ang maong tawo!” (2 Samuel 12:7a)

Ang kamatuuran miigo ni David sama sa usa ka kidlat. Apan sa wala pa siya nakareak si Nathan mipadayon:

“Busa nag-ingon ang GINOONG Dios sa Israel, ‘Ako kadto ang mipili kanimo nga hari sa tibuuk Israel ug Ako kadtong miluwas kanimo gikan sa kamut ni Saul. Ako usab ang mihatag kanimo sa imong harianong panimalay ug sa imong harianong mga asawa diha sa imong pag-amuma, ug Akong gihatag kanimo ang panimalay sa Israel ug Judah;

ug kon *kini* diyutay ra kaayo, Ako untang pagapunan diha kanimo ang daghan kaayong mga butang nga sama niini!” (2 Samuel 12:7b-8)

Si David mao ang piniling hari sa tibuuk Israel pinaagi sa grasya sa Dios, dili tungud sa iyahang hamiling mga abilidad. Ang Dios midala niini aron matinuud, dili si David. Ang tanan nga anaa ni David mao ang pagkamaayo sa grasya sa Dios. Ang sama niini may katinuuran usab para kanatong tanan. Ang tanan nga anaa kanato, bisan unsang panalangin sa kinabuhi, tungud kini sa pagkamaayo sa grasya sa Dios.

“Ngano mang imong gitamay ang pulong sa GINOO pinaagi sa pagbuhat sa daotan diha sa Iyang panan-aw? Imong gipapatay si Uriah ang Hittite gamit ang espada, gikuha nimo ang iyang asawa aron mahimong imong asawa, ug gipapatay siya gamit ang espada sa mga anak ni Ammon. Busa karon, ang espada dili gayud mobiya gikan sa imong panimalay, tungud kay ikaw mitamay Kanako, ug gikuha ang asawa ni Uriah ang Hittite aron mahimong imong asawa.” (2 Samuel 12:9-10)

Pinaagi sa iyang makasasalang mga gipangbuhat “gitamay” ni David ang kabubut-on sa Dios. Ang Dios militok sa disiplina ni David: Ang pagkabayolenti mahimong mokuyanap sa iyang pamilya sa mga katuigang umaabut.

“Busa nag-ingon ang GINOO, ‘Tan-awa, Ako magatuboy sa daotan batok kanimo nga gikan sa imong kaugalingong panimalay; Ako usab magakuha sa imong mga asawa atubangan sa imong mga mata, ug ihatag *sila* ngadto sa imong kauban, ug siya makighilawas uban ang imong mga asawa nga

makit-an sa tanan. Sa pagkatinuud imong gihimo kini sa sekreto, apan Ako magahimo niini nga butang atubangan sa tibuuk Israel, ug bisan asa sa kalibutan.” (2 Samuel 12:11-12)

Ang mga sala ni David gibuhat sa pribado, apan ang iyang disiplina ipahamtang diha sa publiko. Ang tibuuk Israel maoy mahimong saksi. Si David mismo misaysay sa iyang disiplina diha sa bersikulo 6. Ang Dios magasilot kaniya sa upat ka pilo nga gikan sa iyang “kaugalingong panimalay.”

Ikaduhang Samuel 12:13 nagsugod kun diin si David mibiya diha sa Salmo 38:18. Si David ba miingon, ako pasayloa sa akong nahimo ug gimahayan ang matag sala; makapasaylo Ka ba kanako? Wala gayud! Bantayi og unsa ka tino ang rebound ni David.

Unya si David miingon ngadto ni Nathan, “Ako nakasala batok sa GINOO.” Ug si Nathan miingon ngadto ni David, “Ang GINOO usab nagtangtang sa imong sala; ikaw dili gayud mamatay.” (2 Samuel 12:13)

Ang Dios dihadiha mipasaylo ug mikalimot sa mga sala ni David. Kadtong mga nanglabay nga mga sala wala na nakapahilayo ni David gikan sa fellowship uban sa Dios. Si David dili na kinahanglan pang mobati pag-usab sa malupigong masalaypong-gibati ug mapintas nga kabalaka nga gihulagway niya diha sa Salmo 38. Diha sa awtoridad sa Pulong sa Dios kadto nga mga sala gipapas na. Ang pagbati sa pagkamasalaypon niadtong mga salaa pag-usab mamahimong lain napud nga sala—ang pagsalikway sa kahibulongan nga grasyahanong probisyon sa Dios sa rebound.

Ang kapasayloan sa Dios dili gayud mag-agad sa atong mga pagbati, ang ang-ang sa atong masalaypong-pagbati, o

bisan sa atong pagtoo. Ang kapasayloan nagdepende sa saad sa Dios sa pagwagtang sa mga sala kon diin atong hinganlan sila ngadto Kaniya. Sa pagsinati sa panalangin sa gibag-ong fellowship ug sa paglikay sa lit-ag sa masalaypong-pagbati, kita kinahanglan masaligon nga ang Dios mipasaylo ug mihikalimot sa atong mga sala ug nga kita gilimpiyohan “gikan sa tanang dili-pagkamatarong.” Dayon kita, usab, makaambit sa pagdayeg ni David sa Dios:

Pagkabulahan kaniya kansang kalapasan ang
napasaylo,
Kansang sala ang natabunan!
Pagkabulahan sa maong tawo nga kaniya ang
GINOO dili mopasangil og kadaotan,
Ug kansang espiritu wala gayuy panglimbong! (Mga
Salmo 32:1-2)

Ang mga sala ni David hingpit nang napasaylo. Ang nahabilin nga disiplina ni David natuman pinaagi sa mga myembro sa iyang kaugalingong pamilya. Si David mibayad sa upat ka pilo para sa iyang mga sala:

1. Ang bata nga natawo sa pagpanapaw namatay (2 Samuel 12:14-15);
2. Si Amnon, anak ni David, milugos sa anak ni David nga babaye nga si Tamar (2 Samuel 13:1-14);
3. Si Absalom mipatay kang Amnon aron sa pagpanimalus kang Tamar (2 Samuel 13:22-29);
4. Si Absalom, ang anak nga lalaki ni David nga iyang pinakamahal, nangulo sa usa ka nasudnong rebolusyon batok sa iyang amahan (2 Samuel 15-18).

Ang iyang disiplina sa katapusan naundang na gayud diha sa 2 Samuel 18:33 sa dihang si David nakadungog sa kamatayon

ni Absalom.

Ug ingon niini ang iyang gisulti samtang siya naglakaw, “O Absalom anak ko, anak ko, Absalom anak ko! Unta ako nalang ang namatay kay sa ikaw, O Absalom, anak ko, anak ko!” (2 Samuel 18:33b)

Sa dihang si David nakadungog sa balita sa kamatayon ni Absalom, siya misarasay tungud sa kasakit sa iyang pagkahanaw. Ang disiplina para sa iyang mga sala natapos na gayud. Ang upat ka mga pag-anam-anam miabut og dul-an sa napulog-lima ka mga katuigan. Kon ang iyang disiplina gikas-a pa sa pagpahamtang siguro dili siya makaagwanta.

Bisan pa ang disiplina ni David kinagrabehan, tungud kay siya mirebound ang iyang pag-antos maoy para sa panalangin. Si David miabante sa pagkaespirituhanon niining tibuuk nga mga katuigan. Siya nakakat-on sa pagsalig ngadto sa Ginoo diha sa pinakalisud nga mga sangputanan. Daghan sa mga pagtulon-an nga nakat-onan ni David ang napreserbar diha sa Mga Salmo nga siya ang tagsulat sa panahon sa rebolusyon ni Absalom sa dihang nahanaw kaniya ang tanan ug nahimong usa ka pugante. Pinaagi sa pagpabilin diha sa fellowship si David nakahimo sa pagpakusog sa iyang espirituhanon nga pag-abante nga panag-ingnan sa prinsipyo sa pagtunglo nga nahimong panalangin.

ANG PAGBANSAYBANSAY NGA PROGRAMA SA DIOS

Ang masulob-ong ehemplo ni David diha sa kang Bathsheba nga panghitabo naghulagway sa mapait nga kaagi sa disiplina sa Dios. Ang ikanapulog-duha nga kapitulo sa Mga Hebreohanon nagpasidaan kanato sa dili paghikalimot sa katinuuran ug mga sangputanan sa disiplina sa Dios.

Ug inyong nahikalimtan ang pagpahimangno nga kamo ang hingtungdan isip mga anak,

“ANAK KO, AYAW IBALIWALA ANG [pampatul-id] DISIPLINA SA GINOO,

NI MALUYA SA DIHANG IKAW BADLONGON NIYA;

KAY KINSA KADTONG GIGUGMA SA GINOO SIYA NAGDISIPLINA [pasidaang disiplina],

UG SIYA NAGLATOS SA MATAG ANAK KANSANG IYANG GIDAWAT [gipagrabeng

disiplina].” (Mga Hebreohanon 12:5-6)

Aron mahimong usa ka mananaog, ang magdudula sa basketbol kinahanglan nga magbuhat sulud sa gitakdang mga utlanan. Sama usab ang reperi naghuyup sa pito kon ang magdudula migawas sa utlanan, ang Dios naghuyup sa pito pinaagi sa pagpahamtang sa disiplina kon ang magtotoo migawas sa utlanan tungud sa sala.

Ang Dios magsugod diha sa pasidaang disiplina sa pagpahibalo sa magtotoo sa iyang karnalidad ug magdasig kaniya sa pagrebound. Kon ang magtotoo nagpadayon diha sa karnalidad, “GIBALIWALA ANG DISIPLINA SA GINOO,” ang Dios nagpagrabe sa silot. Gawas kon ang rebound maoy gamiton kini nga gipagrabeng disiplina mahimong pagkamatay nga disiplina, ang sala paingon sa kamatayon (1 Juan 5:16).

Ang pagpahamtang sa silot nga kalihukan sa Dios dili gayud dili-makatarunganon o abusado. Ang Dios sa kanunay patas ug makatarunganon. Ang disiplina sa Dios maoy usa ka importanteng kabahin sa pagbansaybansay nga programa sa Dios para sa magtotoo diha sa harianong pamilya. Ang disiplina sa Dios maoy managsamang usa ka ebidensiya sa atong pagkaanak (Juan 1:12) ug usa ka pagpakita sa gugma sa Dios para kanato bisan pa kon kita karnal.

AYAW PAKYASAANG GRASYA SA DIOS

Kay kini alang sa disiplina nga kamo nag-agwanta; ang Dios nagtratar diha kaninyo sama sa mga anak; kay unsa nga anak kaha kadto kansang *iyang* amahan wala nagdisiplina? Apan kon kamo walay disiplina, nga diin ang tanan makaambit, nan kamo diay dili-lihitimong mga kabataan ug dili mga anak. Dugang pa niini, kita adunay tawhanong mga amahan sa pagdisiplina kanato, ug kita mirespeto kanila; kay dili ba diay kita maslabaw nga motahod ngadto sa Amahan sa mga espiritu, ug mabuhi? Kay sila midisiplina kanato sa hamubong panahon lamang sumala og unsay maayo kanila, apan Siya *nagdisiplina kanato* para sa *atong* kaayohan, aron nga kita makaambit sa Iyang pagkabalaan [integridad]. (Mga Hebreohanon 12:7-10)

Ang maalamon, mahigugmaong mga ginikanan nagdisiplina sa ilang mga kabataan aron sa pagtudlo kanila para sa hustong pagkahibalo sa kinabuhi isip mga hamtong. Pinaagi sa disiplina ang mga kabataan makahibalo sa pagpaubus, respeto para sa awtoridad, matudloan, ug makatarunganon—mahinungdanong mga kalidad para sa pagkahamtong. Sama ra usab sa disiplina

sa mga ginikanan nga nagaandam sa mga kabataan para sa tawhanong pagkahamtong, ang disiplina sa Dios nagaandam sa mga magtotoo para sa espirituhanong pagkahamtong. Uban ang espirituhanong pagkahamtong ang magtotoo makadala sa mga kabalhinbalhinan sa kinabuhi.

“Ug mabuhi” nagpasabut nga kon kita morebound kita makapadayon sa pag-abante diha sa Kristohanong kinabuhi. Masdaghang panahon nga atong gigugul diha sa fellowship, masdaghan ang atong mahibaloan ug magamit nga doktrina sa Bibliya. Samtang kita nagtubo espirituhanon ang atong kapasidad sa kinabuhi ug panalangin mosaka ug ang atong kinabuhi magmabungahon.

Aron “makaambit sa Iyang pagkabalaan” naglukup sa tibuuk bangaw sa pag-abante ngadto sa espirituhanong pagkahamtong diha sa Kristohanong kinabuhi. Ang Dios nagdisiplina kanato aron makuha ang atong atensiyon ug aron magdala kanato pagbalik ngadto sa kamatuuran. Sa dihang nakatutuk na kita morebound, mobakwi, ug mopadayon.

Ang tanang disiplina sa pagkakaran murag dili gayud makapalipay, hinoon makapasubo; apan kadtong kansang nabansay pinaagi niini, sa umaabut kini makaani og malinawong bunga sa pagkamatarong. (Mga Hebreohanon 12:11)

Ang pagsilot masakit, dili gayud makalipay. Ang disiplina maoy gidesinyo para sa pagpanul-id ug pagbansaybansay. Ang bata nga wala gayud nakorihian magdako nga mahimong usa ka masupilon, miserable, kaugalingon ra ang gihunahuna nga hamtong kinsa maoy wala mosibo sa kinabuhi. Apan, ang bata nga maayong pagkabansay adunay mas dakong oportunidad aron mahimong malungtaron ug mahiluna sa kinabuhi. Ang mga magtotoo kinsa mitubag sa disiplina sa Dios pinaagi sa rebound maoy napuno diha sa Espiritu, ug adunay potensiyal para sa

espirituhanong pagkahamtong ug sa ‘masdakong grasya’ nga mga panalangin sa espirituhanong kinabuhi (Santiago 4:6).

Busa, palig-ona ang mga kamut nga nahuyang ug ang mga tuhud nga naluya [rebound], ug paghimo sa tul-id nga mga agianan para sa imong mga tiil, aron nga ang *bahin sa lawas* diin maoy mahuyang dili mabuwag sa lutahan, apan hinoon mamaayo. Batoni ang kalinaw uban sa tanang katawhan, ug ang sangtipikasyon kung wala kini walay si bisan usa ang makakita sa Ginoo. (Mga Hebreohanon 12:12-14)

Ang pagpalig-on sa nahuyang nga mga kamut ug naluya nga mga tuhud ug paghimo sa tul-id nga mga agianan mao ang kaparehas para sa rebound nga nagresulta diha sa pagpuno sa Balaang Espiritu, ang tinubdan sa espirituhanon nga kalig-on. Ang rebound nagbalhin kanimo gikan sa pagkahuyang sa karnalidad ngadto sa pagkalig-on sa usa ka nahibalik nga espirituhanong kinabuhi. Ang espirituhanong kinabuhi namaayo tungud kay ang pagtunglo nahimong panalangin. Ang pagkahuyang sa pagtunglo ubus sa disiplina mahimong kalig-on sa pag-antos para sa panalangin.

Usa ka katapusang pagpasidaan mahitungud sa disiplina anaa diha sa bersikulo 15.

Siguroha kini nga walay bisan usa ang wala nakaabut sa grasya sa Dios; aron walay gamut sa kapaitan ang mogitib nga maoy hinungdan sa kagubot, ug pinaagi niini daghan ang mahugawan. (Mga Hebreohanon 12:15)

Pipila sa mga katawhan ang mitubag sa disiplina nga gikan sa Ginoo uban ang kapaitan ug mipadayon sa kapaitan. Sila

nahimong mga tigpamabag, miserableng katawhan kinsa maoy mga babag ngadto sa ilang kaugalingong espirituhanong pagtubo ug ngadto sa espirituhanong mga kinabuhi sa uban. Sila dili na gayud makabakwi pa ug mahimong makahibalo sa grasya pag-usab, gawas lang kon sila makasabut sa tinuud nga katuyoan sa disiplina.

Ang Dios naghatag sa magtotoo uban ang perpektong solusyon para sa sala. Sukad niadtong higayon nga kita naluwas ang Dios sa kanunay nagtigayon kanato diha sa grasya. Siya nagdisiplina diha sa grasya; Siya nagpasaylo diha sa grasya; Siya nagpanalangin diha sa grasya. Ang rebound mao ang larawan sa grasya.

Ang rebound mao ang pinakasayon apan ang pinaka kahibulongang konsepto diha sa espirituhanong kinabuhi. Ang kasayon nga diin atong hinganlan ang atong mga sala ug pasayloon sa Dios ang nagpatunhay sa Iyang dili-matupngang grasya. Ang rebound nagpildi sa sala ug nag-aksis sa gahum sa Dios. Diha sa atong tumoy sa mga tudlo ang yawe nga nag-abli sa Kristohanong pamaagi sa kinabuhi. Pagsabut sa rebound mao ang pag-abli sa pultahan paingon sa kahibulongang espirituhanong kagawasan nga ang grasya sa Dios nagtanyag ngadto sa matag magtotoo kang Jesu-Kristo. Ayaw pakyasa ang grasya sa Dios; ang grasya sa Dios dili gayud mopakyas kanimo. Rebound ug padayon sa pag-abante!

Kalugpungan

balaanong kamaayo Ang Kristohanong pagserbisyo o mga binuhatan nga gihimo sa usa ka magtotoo nga napuno sa Balaang Espiritu. Tugbang-pulong: **tawhanong kamaayo**.

espirituhanong kamatayon Pagkahimulag gikan sa Dios. Si Adan gihimo nga buhi sa lawasnon ug sa espirituhanon. Sa dihang nakasala si Adan, siya namatay espirituhanon. Ang pagpahamtang sa silot sa orihinal nga sala ni Adan ngadto sa naporma pinaagi sa kaliwatan nga kinaiyang makasasala sa pagkatawo nagresulta sa matag tawo nga nahimugso nga buhi sa lawasnon, apan patay sa espirituhanon.

espirituwalidad Ang hingpit nga kahimtang sa fellowship uban sa Dios pinaagi sa paggamit sa rebound ug ang nagaresulta nga pagpuno sa Balaang Espiritu. Tugbang-pulong: **karnalidad**.

gidili Usa ka pagdili nga dili-makatarunganong giimposar sa usa ka rilihiyoso o sosyal nga grupo. Ang mga gidili dili mao ang basehanan aron sa pag-ila sa sala.

grasya Ang libreng gasa sa Dios nga walay-meritong pabor; ang tanan nga gawasnon mabuhat sa Dios para sa katawhan og nagabase sa matubsanong buhat ni Jesu-Kristo didto sa

krus. Ang katawhan pinaagi sa iyang kaugalingong buhat dili gayud makatuman o makakab-ot sa pagtagad o pabor sa Dios.

integridad sa Dios Ang kombinasyon sa mga hiyas sa Dios sa pagkamatarong ug hustisya aron maporma ang pagkabalaan sa Dios; ang kinatibuk-an sa kahingpitan sa Dios.

isugid Ang mando sa matag magtotoo sa yanong paghinganlan, pagsulti, pag-angkon o pag-ila sa mga sala sa pribado ngadto sa Dios nga Amahan (1 Juan 1:9).

karnalidad Ang hingpit nga kahimtang sa pagkagawas sa fellowship uban sa Dios tungud sa wala-masugid nga sala sa kinabuhi. Diha sa karnalidad ang magtotoo nawagtangan sa pagpuno sa Balaang Espiritu ug ang kinaiyang makasasala ang nagkontrolar sa kinabuhi. Tugbang-pulong: **espirituwalidad**.

kinaiyang makasasala Usa ka mahinungdanong kabahin sa matag tawhanong binuhat nga diin nagpuyo diha sa selyulang gambalay sa tawhanong lawas. Ang kinaiyang makasasala orihinal nga nakuha ni Adan kaniadto pa sa iyang pagkatagak ug maoy misunud ang pagpasa sa kaliwatan pinaagi sa lalaki ngadto sa tibuuk katawhan pinaagi sa pagpanganak. Ang resulta mao ang susama nga espirituhanong kamatayon ug hingpit nga kawad-on sa tanang katawhan, gawas lamang ni Jesu-Kristo. Ang kinaiyang makasasala gilangkuban sa usa ka lugar sa kalig-on, usa ka lugar sa kahuyang, mga hilig paingon sa legalismo o antinomiyanyismo, ug mga sundanan sa kaibog.

lohistikal nga grasya Ang kompletong probisyon sa Dios sa matag lawasnon ug espirituhanong panginahanglan para sa matag magtotoo og walay-sapayan sa ilang espirituhanong kahimtang. Ang lohistikal nga grasya nagpatunhay sa magtotoo nga nabuhi, naghatag sa agianan paingon sa doktrina sa Bibliya,

ug nagpahimo kaniya sa pagtubo espirituhanon sa kalibutan sa yawa.

lugar sa kahuyang Ang lugar sa kinaiyang makasasala nga nagtintal sa magtotoo ngadto sa personal nga sala. Ang tintasyon mahimo lamang kining sala kon ang kabubut-on mosunud sa tintasyon.

lugar sa kalig-on Ang lugar sa kinaiyang makasasala nga nakahimo og tawhanong kamaayo o patay nga mga binuhatan. Tan-awa sa **tawhanong kamaayo**.

mawaldason Usa ka walay-paghunahuna ug hilabihang kausikan nga tawo.

omniscience Ang tinitik nga pasabut “nasayud-sa-tanan” ug naghulagway sa hiyas sa Dios sa kompletong kahibalo sa tanang mga butang, nagaapil sa aktuwal ug sa posibleng milabay, pagkakaran, ug sa umaabut nga mga panghitabo.

pagpuno sa Balaang Espiritu Ang hingpit nga kahimtang sa pagkaadunay fellowship uban sa Dios nga maoy gimando sa matag magtotoo sa Kapanahonan sa Simbahan; ang oportunidad sa paggamit sa gahum sa Dios sa pagbuhat sa Kristohanong kinabuhi. Kini nga kondisyon mahimong mawala pinaagi sa pagpakasala, pero mabakwi pinaagi sa pribadong paghingalan o pag-ila sa mga sala ngadto sa Dios nga Amahan.

pagpuyo sa Balaang Espiritu Usa ka permanenteng kahimtang nga nakuha sa higayon sa kaluwasan sa matag magtotoo sa Kapanahonan sa Simbahan nga nagpausab sa lawas ngadto na sa usa ka templo para sa nagkadungang pagpuyo ni Jesu-Kristo.

sala Ang bisan unsang panghunahuna, binaba, o makitang kalihukan nga nakalapas sa karakter ug mga sumbanan sa Dios.

sumbingay Usa ka hamubo, minugnang pagsugilon nga diin naghulagway sa usa ka prinsipyo sa doktrina sa Bibliya.

sumpaysumpay-nga-pagpakasala Ang resulta sa pagtugot sa usa ka milabay na nga pagpasipala o sala aron magpadayon sa paghimo og mga sala. Sama sa usa o daghang mga sala nga madugang sa naunang mga sala usa ka malaglagong pagkasunudsunud ang maugmad.

tawhanong kamaayo Ang maayong mga binuhatan nga nahimo ubus sa pagkontrolar sa kinaiyang makasasala. Ang magtotoo nga adunay wala-masugid nga sala diha sa iyang kinabuhi dili espirituwal apan karnal (kontrolado sa kinaiyang makasasala). Ang maayong mga binuhatan sa usa ka karnal nga Kristohanon walay-kalainan sa maayong mga binuhatan nga nahimo sa usa ka dili-magtotoo ug walay espirituhanong bili. Tugbang-pulong: **balaanong kamaayo**.

Trinidad Usa ka teknikal nga teyolohiyang termino nga naghingalan sa Dios isip usa ang esensiya apan tulo ka sama nga pareho, sama nga walay-kinutuban, ug sama nga walay-katapusan nga mga persona: ang Dios nga Amahan, ang Dios nga Anak, ug ang Dios nga Balaang Espiritu.

Timan-anan sa Balaang Kasulatan

KARAANG KASULATAN

GENESIS	11:3.....	44
	11:4-5.....	44
3:2-3	11:6-7.....	45
3:6-8	11:8.....	46
	11:9.....	46
EXODO	11:10-11	47
	11:12-13.....	48
21:14.....	11:14.....	48
25:21-22	11:15.....	49
	11:16-17.....	49
LEVITICO	11:18-21.....	50
	11:22-24.....	51
20:10.....	11:25.....	51
26:11-12.....	11:26.....	51
	11:27	52
1 SAMUEL	12:1-4	58
	12:5-6	59
13:14.....	12:6.....	61
16:7.....	12:7.....	59
	12:7-8	60
2 SAMUEL	12:9-10	60
	12:11-12.....	61
11.....	12:13.....	61
11:1.....	12:14-15	62
11:2.....	13:1-14	62

13:22-29	62	51:3-4	35
15—18	62	51:4.....	31
18:33.....	62	91:1.....	27
		103:12.....	37

NEHEMIAS

1:6.....	35
----------	----

MGA SALMO

32:1-2	62
32:3.....	53
32:3-4	54
32:5.....	35
38.....	59,61
38:1-2	52
38:3-6	53
38:7-8	54
38:9-10	54
38:11	55
38:12-14	55
38:15-17	56
38:18.....	35,56,61

MGA PROBERBIO

6:16.....	23
6:17.....	24
6:18.....	25
6:19.....	25
8:13.....	10
28:13.....	35

ISAIAS

41:10.....	10
43:25.....	4,37
64:6.....	13

DANIEL

9:4.....	35
----------	----

BAG-ONG KASULATAN

MATEO	6:12.....7
	7:8-207
7:1-514	7:14.....8,14
	7:15.....6
LUCAS	7:17.....7
	7:18.....8
15:11-32.....32	8:3-47
15:18.....33	8:10.....27
15:19.....33	8:38-3915-16,18
15:20.....34	
	1 MGA TAGA-CORINTO
JUAN	3:1.....20
1:12.....20,65	3:1-319
10:28.....16	3:2.....21
14:19-2027	3:3.....22
16:7.....27	3:12-1512
17:22-2327	3:16.....26
	6:19.....27
MGA BUHAT	11:28.....38
	11:28-32.....38
13:22.....41	11:29.....38
16:31.....4	11:30.....38-39
	11:31.....35,38,40
MGA TAGA-ROMA	11:32.....39
	15:22.....2,16
3:23.....8	
4:3-54	2 MGA TAGA-CORINTO
5:8.....3	
5:12.....2	3:17-1827
6:6.....8	5:14-153

5:19.....	3
5:21.....	4

MGA TAGA-GALACIA

5:19-21	11,18
5:22-23	19

MGA TAGA-EFESO

2:8-9	4,17,21
4:22.....	7
5:18.....	18,27

MGA TAGA-FILIPOS

3:6.....	36
3:13.....	36
3:14.....	37
4:6.....	10

1 MGA TAGA-TESALONICA

4:14.....	39
-----------	----

MGA HEBREOHANON

6:1.....	11
9:5.....	27
11.....	41
12.....	64
12:1.....	40

12:5-6	64
12:6.....	37
12:7-10	65
12:11.....	66
12:12-14	67
12:15.....	36,67

SANTIAGO

3:5-6	10
4:6.....	67

1 PEDRO

1:4-5	17
2:5.....	30
2:9.....	30
2:22.....	8
2:24.....	3
4:17.....	35

1 JUAN

1:8.....	2,8
1:9.....	18,28,29,30,31,40,70
1:10.....	2,8
2:1.....	29
2:2.....	3
2:11.....	10
5:16.....	39,64

**SUKARANAN NGA MGA LIBRO NI R. B. THIEME, JR.
GIREKOMENDAR NGA PAGKANHAN-AY**

The Plan of God
The Trinity
Slave Market of Sin
The Barrier
Rebound & Keep Moving!
Isolation of Sin
The Faith-Rest Life
God the Holy Spirit vs. The Sin Nature
Mental Attitude Dynamics
Heathenism
Divine Guidance
Prayer
Witnessing
The Prodigal Son

DOKTRINAHONG PAGTOON SA BIBLIYA

Doktrina sa Bibliya, ang unud sa pagtudlo nga gikuha gikan sa literal nga interpretasyon sa mga Kasulatan, maoy sukdanan sa espirituhanong kamatuuran. Ang pagtoon sa Bibliya naghatag og espirituhanong pampabaskog sa mga Kristohanon (Mateo 4:4).


Ang pagkamahinungdanon sa doktrina sa Bibliya pagahatagan gayud og importansiya (Mga Salmo 138:2). Nagmando ang Dios sa mga Kristohanon sa pag-usab sa atong salabutan (Mga Taga-Roma 12:2). Kini nga pagkausab nanginahanglan og kada adlaw nga pagbag-o sa panghunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghan nang katuigan ang doktrinahong mga pagtoon sa Bibliya ni R.B. Thieme, Jr., naghatag kada adlaw og espirituhanong pagkaon sa iyang kongregasyon. Mga mantalaan, DVDs, ug MP3 CDs abilabol nga walay bayad o obligasyon. Ang catalogo sa *Doktrinahong Pagtoon sa Bibliya* maoy ipanghatag base sa inyong hangyo.

R.B. THIEME, JR., BIBLE MINISTRIES

P.O. Box 460829
HOUSTON, TEXAS 77056-8829
www.rbthieme.org
713-621-3740

Si ROBERT B. THIEME, JR., (1918-2009), nagpabiling makahuluganong tingog sa Kristiyanismo sa tibuuk kalibutan. Ang iyang makugihon, mapatin-awong pagtudlo gibase sa orihinal nga mga lengguwahe sa Kasulatan inubanan sa paglandag sa makasaysayong konteksto sa panahon nga gisulat ang Bibliya. Ang iyang modernong sistema sa bokabularyo, mga ilustrasyon, ug mga kategoriya Biblikal sa tin-aw nagpahayag sa dili masayup nga mga kamatuuran sa Pulong sa Dios. Si Thieme nakarekord og kapin pa sa napulog-usa ka libo ka mga oras nga mga pagtudlo ug nakamantala og kapin pa sa usa ka gatos ka mga libro nga naglukup og dako sa bersikulo-matag-bersikulo sa Bibliya.



Panghulagway ni Robert Becker

Si Thieme nakatapos didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungha sa seminaryo nahunong tungud sa pagpangalagad militar sa Ikaduhang Gubat sa Kalibutan diin misaka siya sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Human natapos sa iyang padayon nga pagtungha niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang iyang malukpanong bansaybansay sa Griyego, Hebreo, teyolohiya, kasaysayan, ug textual criticism naghatag og pundasyon sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miluwat sa pagkapastor-magtutudlo sa Simbahan sa Berachah human sa singkwentay tres ka mga tuig nga matinud-anong pagpangalagad.

REBOUND ug Padayon sa Pag-abante!

mao ang yawe nga nag-abli sa Kristohanong pamaagi sa kinabuhi. Pagkahuman sa kaluwasan ang kinaiyang makasasala nagpabilin nga usa ka nagpungasing kaaway, nagtintal sa magtotoo sa pagpakasala ug pagpuyo sa karnalidad. Sa higayon nga ang magtotoo nakasala, ang fellowship uban sa Dios naguba, ang pagpuno sa Balaang Espiritu temporaryong nawala, ug ang espirituhanong pagtubo nahunong.

Ang rebound mao ang pinaka masayon apan maoy pinaka kahibulongang konsepto diha sa espirituhanong kinabuhi. Ang rebound nagpildi sa sala. Ang kamasalaypon, kasakit, pagbasol sa mga nanglabay nga mga kapakyasan mangahanaw kay kita nahibalo nga ang Dios nagpasaylo ug naghikalimot sa tanang nanglabay nga mga sala. Ang rebound mao ang atong agianan ngadto sa pagkasuud uban sa Ginoo, ang ganghaan sa balaanong gahum sa atong mga kinabuhi, ang atong lisensiya sa pagsilbi sa Ginoo. Ang rebound nag-abli sa pultahan ngadto sa katingalahang kagawasan nga gitanyag sa grasya sa Dios ngadto sa matag magtotoo ni Jesu-Kristo.